

V I T A  
A N G E L I  
C O L O T I I

E P I S C O P I N V C E R I N I .

A V C T O R E  
F E D E R I C O V B A L D I N O .

BIBLIOTECA NAZ.  
ROMA  
VITTORIO EMANUELE



R O M Æ , M D C L X X I I I .

Typis Michaelis Herculis.

*Superiorum permissu.*

2

ANGELI  
COLLITI

THE  
SALVATION



THE  
SALVATION

CASSIANO

A PVTEO

EQVITI ILLVSTRISSIMO

*Federicus Vbaldinus S.P.D.*




A N C Angeli Colotij  
Episcopi Nucerini Vi-  
tam nuper à me con-  
cinnatam, Vir Illustris-  
sime, nisi tibi sistam,

& dedicem, occurreret planè nemo,  
cui potiore iure, ac merito ea de-  
beatur. Personam quam olim ille  
in hac Aula tam egregiè sustinuit,  
ipse nunc feliciore in litteras litte-  
ratosque liberalitate mirabiliter re-  
præ-

præsentas. Quamobrem si liceret,  
affirmare auderem, animam tanti  
Antistitis migrasse in Te, ac viuere.  
Hoc tamen discrimine, quod ea  
studia, quæ cum illo nata infantia  
adhuc, atque imbecilla videbantur,  
Tu virilia reddideris, ac robusta.  
Habere videlicet sub eodem ani-  
mo per illum cunabula, per Te in-  
crementa. Sic ætas nostra Tuis in  
ædibus non vnum Museum, sed  
Athenas ipsas, Siracusasque, & Ro-  
mam veterem contemplatur, & ad-  
miratur. Quid igitur mirum, si Vi-  
ri Principes, quorum & ingenita,  
& hereditaria gloria est, hisce arti-  
bus studere, ac fauere, Te, cum  
Vrbis miracula perlustrarent pluri-  
mum semper suspexerint, summis-  
que laudibus exornarint? Excipe ita-  
que hilari, vt dicitur fronte, ò totius  
polimathiae decus, hunc tenuem,  
rudem-

rudemque ingenij mei laborem, ea  
saltem ratione, qua suam quisque  
non modo in auro, gemmisque or-  
nato speculo, sed quovis licet mo-  
dico, siluestrique fonte imaginem  
libentissimè contuetur.


Romæ in ædibus Cardinalis Vi-  
ce-Cancellarij die xxiv. Decembris  
An. MDCLIII.



Impri-

Imprimatur, si videbitur Reueren-  
dis. P. Magistro Sac. Pal. Ap.  
I. de Ang. Archiep. Vrb. Vicefg.

---



Imprimatur  
Fr. Raymundus Capisuccus Ordinis  
Prædic. Sac. Pal. Ap. Magister.

VITA  
ANGELI COLOTII  
EPISCOPI NVCKERINI.

FEDERICO VBALDINO AVCTORE.



INTER illustres Aesinae  
Vrbis Familias clarum  
genus est Colotiorum,  
quorum decora vel ab  
Vrbani VI. tempore nu-  
merantur in Aula Ro-

mana, vbi floruit Iacobus Pontifici a sa-  
cris, & Rotæ XII-Vir, seu (vti vocant)  
Auditor. Hæc claritudo, vti per se fa-  
milias satis ornat, ita se offert primam  
in hac stirpe dispiciendam; cum alia mo-  
numenta, ex quibus reliqua intèlligere  
fas esset, perierint eodem incendio, quo  
Magistratus Aedes conflagnarunt: Su-  
perest tamen quædam nobilis inscriptio  
in domo Colotiorum, quæ huiusmodi

A

est:

est: SATIS ANTIQVAE OPES, OPTIMI MORES, ET STVDIA BONARVM ARTIVM DOMVM HANC NOBILITARVNT.

Vixit deinde anno millesimo quadringentesimo vigesimo quinto Angelus, qui, pulsus Vrbe Tyrannis, vt corruptam rem publicam restitueret, Patriæ instituta, & decreta in vnum breuiter coegit. Angelus peperit Nicolaum, Nicolaus verò edidit filium ab Aui nomine dictum quoque Angelum; qui, cum sese præbuerit in luce Romana, tanquam speculum sinceræ virtutis ijs temporibus satis probatum, possitque transire inter exempla posteritatis, meritò exposcit a nobis, vt eius memoriæ consulamus, quò alienæ utilitati prospiciatur. Eius mater soror fuit Floriani Sanctoni, Viri rebus & gestis, & toleratis memorandi: Pater verò, quamquàm ciuilibus negotijs deditus esset, in tota vita se talem præstitit, vt omnium opinione prudentissimus habitus fuerit. Certè magnam prudentiæ laudem in eo meritus est, quod suos virtutum omnium, literarumque documentis imbui voluit;



voluit : sic non modo Angelum filium , cuius vitam scribimus , sed Franciscum fratrem , superatis grauissimis difficultatibus , curauit præclarè educandum . Hic ille Franciscus est , de quo idem Angelus hæc ad Ioannem Benedictum , sibi consanguinitate coniunctum , perscribit : *Mihi patruus fuit Franciscus Colotius , postea Consiliarius Regis , quem meus Parens primum summo cum labore , ac sumptu instituere contendit ; Bononiam cum vna cum Magistro Thaddæo misit , Aristotelicis scholis erudiendum , deinde Perusiam , ubi prior scholastici studij anno libros , & vestes pluribus centenis nummis constantes ludendo consumpsit ; quod factum adeò non terruit meum Parentem , ut omnia redemerit , ac florenos supra quadringentos unico bienio impenderit : & cum Ciues hæc impendia , velut inutilia , irriderent , non semel responderit , suæ se rei decrementa spernere , etiamsi paupertas immineret , modo fratrem præclarè educaret : quin eiusdem generositatis retinens , in diuisione hereditatis , horum sumptuum nullam fieri mentionem passus est ; vixitque cum eo annis triginta eodem animo , & secto .*

#### 4 VITA ANGELI COLOTII

*Notus in fratres animo paterno, Horat.*

Ex hac fraternæ institutionis cura con-  
ijcere est quantum Nicolaus in exco-  
lendo Angelo filio posuerit diligen-  
tiæ; quam satis probant honores in  
ipsum Angelum adhuc puerum collati;  
etenim in illo ætatis flore Dignitatis E-  
questris insignia accepit cum ijs præro-  
gatiuis, quibus abundè gloriari potuit.

Morabatur Romæ a Pij II. vsque Pon-  
tificatu Andreas Palæologus Despota,  
ad quem omnes alicuius notæ viri con-  
fluebant, quod sperarent ab illo, vti &  
eiusdem virtus spondebat, Constantino-  
politanum Imperium, paulò ante amis-  
sum, & ad ipsum iure familiæ spectans,  
recuperatū iri. Is parentem habuit Tho-  
mam Peloponnesi Despotam, cuius fra-  
tres fuerant duo postremi Græciæ Im-  
peratores, Ioannes ob vtriusque Eccle-  
siæ concordiam, & Constantinus ob vi-  
tam, vnā cum Constantinopolitana Vrbe  
amissam insignes; adeoq; Andreas nepos  
erat Manuelis, & pronepos Ioannis, quem  
peperit Andronicus filius Michaelis,  
qui ortus fuerat ex Andronico parente  
illius Michaelis, qui per summam glo-  
riam

riam Latinis Græciæ solium eripuit.

Hic itaque Andreas natus est anno partæ salutis millesimo quadringentesimo quinquagesimo tertio; accepitque huiusmodi nomen ex paterna in D. Andream Apostolum pietate. Sic testatur Georgius Phranza eius temporis Scrip-  
tor, & vir admodum Illustris. *xvij. Ian. auctum est Palæologorum genus, & imperij successor, paruaque Romanorum scintille heres natus Andreas Palæologus, Thomæ Despota Porphyro-geniti filius. Mater illi filia Martini Zacchariæ, seu Centurionis, fuit, qui Genua oriundus, per summam virtutem Achaïæ, ac Aulidis principatum indeptus fuerat, Thomæque dotales dederat Messenam, & Ithomam.*

Porro Thomas, post fortunam, eiusque gratiam frustra tentatam, ad Pium, II. Summum Pontificem se contulit, & venerandum D. Andræ Apostoli caput detulit. Ab hoc humanissimè ac regiè acceptus, Romam quoque Andream, & Manuelem cum filia, & nepte acciuit; sed, morte invidente, haud vidit; quippe cum illi Anconam attigissent, mense

## 6 VITA ANGELI COLOTII

Maio anno millesimo quadringentesimo sexagesimo quinto diem obiuit. Adolescentes autem iussu Pontificis benigne recreati, & a Cardinale Bessarione domum adducti, summo cum honore Romæ florere, donec veteris dignitatis recuperandæ desperatione, & urbani otij consuetudine viliiores habiti, Manuel Mancafeo, Contio, & Nicolao domesticis credulus Constantinopolim aufugit, & inter Græcos in glorio funere perijt: Andreas natus maior, in matrimonium adscita Græca meretrice, reputans facile fore ut eam nobilibus artibus instrueret, nullam reliquit prolem, cuius tamen Manuel experts non fuit. Sic summi Andree tituli in risum versi sunt, uti illi exprobrauit Albertus Pius Carpi Dominus, quo tempore Romæ, Leone X. Pontifice, in Capitolinis Aedibus Plautinus Pæculus per scenam exhiberetur. Is enim cum Maximiliani Cæsaris legatum ageret, & Andreas tam numerosa Cæsaris stirpe glorians, eidem anteferri veller, obiecit, *nihil ex tot titulis superesse nisi prolixius capillitium, & exulem, qui aliena quadra egeret; quod*  
&

& Albertus sensit idem prope sibi ab Erasmo exprobrari, dum, Caroli V. iram fugiens, ad Franciscum Gallix Regem se recepisset. Sic fato quodam interdum idem vulnus patimur, quod infligimus. Numerus autem Titulorum, quibus Andreas abundabat, patet ex diplomate, quo Equitem nuncupat Angelum Colotium, filium Nicolai, in cuius gratiam, indole etiam pueri perimotus, & vtriusque erga res Græcas amore sollicitatus Angelum Equitem creauit, lateri enssem, pedibus aurea calcaria, & capiti galeam, vt moris est, inserens; ac Colotiorum insignibus, quæ constabant scuto rubro duabus rosis inter se impositis diuiso, adiiciens maioris nobilitatis ergo, Cæsarea auctoritate mediam Aquilam auream gemino capite coronato insignitam, quod est Græci Imperij tessera. Præterea Principes, Regesque rogatos per formulam voluit, vt Angelum a se Equestri honore ornatum haberent commendatum. Hæc omnia liquent ex tabulis Romæ ad annum quadringentesimum octogesimum tertium supra mille, confectis, &

## 8 VITA ANGELI COLOTII

atum ab ipso Despota characteribus græcis rubris, tum à Francisco Blanco maiori Procancellario subsignatis.

Colotius interim vsus fuit præceptore Georgio Valla, (quemadmodum indicat Dialogus Valeriani de Literatorum miseria) cuius opera miros progressus fecit. Hæc igitur fuere prima rudimenta famæ, Angelo maiora præfagentis per eum titulum (h. e. Messere) qui vel Regibus denegabatur, nisi Equestris ornamenta prius accepissent. Sed fortuna inuidens virtutis & honoribus, Angelum citò calamitatibus obicit.

Sixto IV. extincto, & Innocentio VIII. ad solium Pontificium euecto, Regni Neapolitani Proceres aduersus Ferdinandum Regem conspirarunt, & ex conspiratione mox bellum, Pontifice impulsore: cui cum in suspicionem venissent quicumque Aragoniæ familiæ fauerent, Colotij quoq; Regis studiosi habiti fuere, cum Franciscus frater Nicolai, & Patruus Angeli Regius, & Consiliarius, & domesticus esset. Cum Colotij quoque in inuidiam vocati sunt Sanctoni, quorum

quorum primus Nicolai vxoris frater Florianus habebatur. Itaque Franciscus exilio, Nicolaus & Florianus carcere mulctati.

Præerat id temporis Piceno Protonotarius nomine Agnellus, re Lupus: hic pluribus bonis viris trucidatis, Sanctonium quoque, iam in extremo senio positum, morti destinabat. Accidit autem res digna memoratu; cum enim Protonotarius Nicolaum ad se accersiuisset, illumque de imminente Sanctonio nece non minus crudeliter, quam imprudenter, solari vellet, addidit, *Florianum & felicem vixisse, & senem mori, & animo & corpore satis firmum*; subiecit Nicolaus: *Atqui tu felicior in Iuuenta mortuus fuisses; Agnellus enim eras, nunc liëtor es.*

Hæ calamitate Angelus extra penates Neapolim abiit, vbi patrum natus est iam Præfectum Asculo, quæ Vrbs Apuliæ est, iampridem ab Alphonso Calabriae Duce, ac Regis Primogenito filijs Vrsi Vrsini ablata simul cum Nola; quippe cum Vrsus legitimâ prole caret, postremis vitæ annis Ducem, cuius

ab

ab arbitrio Rex, & Regnum pendebat, rogauit ut filijs vtriusque Urbis regimen relinqueret. Annuit Alphonsus; sed contra fidem, post Vrſi mortem, Vrbes in suam potestatem redegit, easque fidei Francisci Colotij aduersus Procerum tentamenta commisit.

Angelus tamen studijs literarijs intentus fuit, tantumque existimationis tum indole sua, tum patris auctoritate, sibi parauit apud eruditiores, ac praesertim apud Iouianum Pontanum, ut Neapolitanæ Academiæ cum Sincero Sannazario, Elisio, Calentio, Altilio, Summontio, Carbonio, Vopisco, alijsque doctissimis hominibus adscriptus fuerit, mutauitque nomen, more inducto à Pomponio Laeto, frustra Paulo Secundo indignante, dictusque fuit, adiecto cognomento antiquo A. Colotius Bassus. Ritus autem in nomine mutando hic seruabatur: Primum lauro caput cingebatur; Academicorum mox suffragijs fauentibus, nomen in Album referebatur, deinde conuiuio exceptus, Academicis carmine nouum cognomentum laudantibus, eodem saluta-

taba-



tabatur, conditione adiecta, vt lauream  
semper capite retineret inter Academi-  
cas exercitationes.

Hæc Neapolitana Angelî mora, etsi  
lætior esset, tamen quia exulis erat, læ-  
tiores habuit Romanum reditum, ceu  
ipse testatur epigrammate Hendecasyll-  
labo.

*Terrarum Dea, Gentiumque ocelle,  
Quocumque Oceanus Pater perambit,  
Et Sol lumine conspicit corasco,  
Quàm libens mea Roma te reuiso!  
Vt domum tetigi laboriosus  
Post tot exilia acta, tot labores,  
Anfractus maris asperi & viarum!*

Sub primo Romani reditus tempore Io-  
uianus Pontanus à Rege Legatus Ro-  
mam pacis conficiendæ, aliorumque ne-  
gotiorum causa venit, & cum eo San-  
nazarius.

Pontanum conatus est Angelus pro  
suo & erga Regem obsequio, & erga  
amicum animo, humanissimè tractare:  
sed Pontifex quàm ornatissimè orato-  
rem excepit, quasi cum Rege de fama  
magnanimitatis contenderet, se Princi-  
pî antea infenso, sed per clientelam, seu  
feu-

feudum Sedi Apostolicæ subiecto, ita conciliatum ostendens, ut ille clementissimè Proceribus subditis aduersum conspirantibus iam pepercerit. Inde Pontanus Librum de Magnanimitate Colotio ostendit, & per Petrum Summontium typis impressum dicauit.

Neque solum literati Viri, sed literatorum quoque fautoris nomen Angelus adeptus fuit: compluribus in eius elogio, & nomine Libris apparentibus, opusculo præsertim Antonij Mancinelli, anno, supra mille & quadringentos, nonagesimo quinto, typis edito, hac præfatione, quam libet recitare: *Antonius Mancinellus ad Angelum Colotium Aesinatem Literarum Apostolicarum maioris Præsidentia Breuiatorem. Sermonum Decadem, Angele mi suauissime, cui dedicarem volenti, mihi tu quidem in primis occurristi. Notam enim te studiosorum amantissimum, miraque probitate clarissimum, comitate iuuenem, grauitate senem, libentissimèque otium tuum in literis collocantem. Lectitas namque, & ediscis frequenter. Quod mihi certe nulla admiratione accessit; Nicolai sed enim patris, ac Francisci patrui*

*tui vestigia sectaris. Quorum alter plurimum fide, ac veritate, & candore prestabat, unde in contubernio eius, sicuti in tuo, nihil unquam nisi sanctum, nihil nisi honestum videbatur. Alteri verò ingenium solers, & utriusque iuris cognitio maxima inerat. Qua de re, & Ferdinando Regi Partenopeo Consiliarius astitit. Cum ergo tua fides, & veritas, ac candor parenti, studium, & solertia patruo tuo respondeant, iure Mancinellus, & merito sue Decadi præfisse te voluit. Age iam munuscula eius hilaritate, serena fronte, manu benigna excipito. Vale nostri memor. MCCCCXCV.*

Itaque Colotius Romæ cum dignitate degebat, Literarum Apostolicarum maioris Præfidentie Breuiator. Porro huiusmodi munus accepit anno supra mille, quingentesimo, impensis duobus millibus, ac quingentis aureis, vti appellant, Camerae ducatis, vendente Bartholomæo Honofrio Bartolino Perusino, eam ob causam, vt Guidobaldum Urbini Ducem ex Vrsinorum vinculis hoc subsidio promptius liberaret. Præterea noningentis aureis eidem datis Literarum Apostolicarum Abbreviator, ac anno mille-

millesimo quingentesimo tertio Sacrae Poenitentiariae Procurator, suppeditatis Laurentio Boccatio Canonico Lateranensi aureis ducatis septingentis ac viginti, dictus est. Alia etiam munera obiit, nimirum Sollicitatoris Literarum, Apostolicarum, Secretarij Apostolici, Magistri, ut vocant, Registri Bullarum, ac Notarij Camerae Apostolicae, ex quibus plurimum emolumentum percipiebat, adiecto praesertim patrimonio satis amplo. Hinc illi suppetebat virtutis exercendae non angusta materies, namque verum est illud Poetae:

— *Magnis virtutibus obstat*

*Res angusta domi*

Vxorem Angelus duxit tum nobilitate, tum pulchritudine, alijsque dotibus insignem, nomine Hieronymam Bufalinam Tipherni ex primaria nobilitate ortam, cui familia Vitellia id temporis per affinitatem coniuncta erat.

Extat privilegium, quo Ludouicus Borgia tit. S. Marcelli Cardinalis Pœnitentiarius, anno tertio Iulij secundi, permittit Angelo, eiusque tum coniugi, tum sobrino Hyppolito Francisci Colo-

tij filio, vt pro arbitrato eligant Confessarium, qui eos absoluat etiam a peccatis, quorum absolutio sibi reseruata esset; insuper vt ferant, habeantue altare portatile ijs in locis, quibus interdictum fuerit sacris, ac demum vt in solemniore quadragesimæ ieiunio, alijsque, ouis ac lacte vesci possint. Datum apud S. Petrum sub sigillo officij Pænitentiaræ. Die XXV. Augusti. Atque hoc sane argumentum ingens pietatis est, qua Angelus erga Deum, Ecclesiamque ferebatur, dum per ipsam, Ecclesiam sibi consultum volebat, si quid necessitas afferret, quod Ecclesiæ decretis non congrueret; cuius etiam pietatis specimen exhibuit dum insignia quædam Sanctorum ossa maioris venerationis gratia, Pontificis etiam permisso, transtulit in Templum, quod ad Tres Fontes dicitur; maluitque se, suamque domum insigni ornamento priuare, quam dignæ venerationis officio sanctos.

Inter hæc Franciscus Maria Urbini Dux è medio sustulit Alidosium Cardinalem; quæ cædes non solum Christianos

nos omnes maxime offendit, sed plurimos etiam literatos viros concussit, & præsertim Scipionem Carteromacum Græcum, quem profugum, opisque indigentem Angelus domi suæ liberaliter, ac officiosè tenuit, donec ad Mediceos ipsius fortasse Angeli opera fecerit contulit; atque hac occasione idem usus, linguæ Græcæ operam dedit vna cum Iacobo Sadoletto postea clarissimo Ecclesiæ Romanæ Purpurato.

Sensit paulo post ictum fortunæ orbatu coniuge, eamque & honorificis exequiis in Templo Capitolino, in Sacello Bufalinæ Gentis tumulari, & publicè laudari curavit ab Aegidio Gallo non minus Panegyri, quam Scenæ nato, de quo cecinit Franciscus Arfillus.

*Galle tuæ passim resonant per compita laudes;*

*Scena grauis numeros, te recitante, probat.*

Vxoris tamen morte Angelus non euasit molestias ex eius morbo contractas, sed potius grauiores pertulit ob dissensiones excitatas ab vxoris Fratribus Angelo, ac Nicolao Bufalinis, quibus accessit

cessit Vitellus Vitellius, donec lite, quæ de dotis restitutione intercedebat, arbitrio Iacobi Fraiapani commissa, compositæ dissensiones fuerunt. Verùm, his priuatis molestijs grauius publicæ de Patria sollicitudines illum anxie ac diu cruciarunt. Hoc videlicet tempore Franciscus Maria Ruuerus Principatu Urbini, reliquaque ditione, a Leone X. exutus, armato milite illi recuperandæ totus intendebat; contemptaque Pontificis ira, aliquot loca & in primis Aesinam urbem diripuit, magnaque ex parte succendit: atque huius calamitatis maximè particeps Angelus fuit, amissis ædibus, quæ incendio conflagrauerunt, simul cum vt plurima fragmenti copia, & opulenta omnis generis supellectile.

Verùm onere vxorio solutus habiliorē Aulæ Romanæ honoribus se præstitit; & profectò nobilem supra reliquos locum ibi obtinuisset, nisi otio literario maluisset, etsi non otiosè, deservire: siquidem eius ætatis Pontifices plurimi illum fecerunt, sed potissimùm ac in primis Leo X. Ingeniorum, ac Doctrina-

tū inter ceteros magnus æstimator; cum enim ab alijs venalia tantum munera, ab hoc gratuita accepit, iussus illi esse tum à cubiculo, tum à secretis; & Fauorino Varino Camerte fenefcente, in spem fucceffionis, eidem designatus Adju- tor est anno millefimo quingentefi- mo vigefimo primo, quo Leo ipfe fato cecidit, & cum eo generis huma- ni delicix, ac decora Mufarum, quæ, vt in domo Laurentij Medices natæ, fic cum Leone obijffe videban- tur, nullo deinde fimili Mecænate rena- to; tanta enim benignitate ingens Poe- tarum numerus tunc à Leone exceptus fuit, vt illud fæculum, nec Auguftum, nec Mecænatem defiderauerit. Horum Poetarum numerus habetur in quodam Arfilli Senogallienfis Libro, quem Pau- lo Iouio dedicauit, quos inter hoc di- fticho noster Colotius laudatur.

*Si te, Coloti, Mufarum candide Alum-  
ne,*

*Præteream, vates inuidiofus ero.*

Mortuo igitur Leone, Colotius eo infeliciorem fe credidit, quo felicius in Aula triginta annis verfatus fuerat.

Quod



Quod & ipse testatur, & confirmat Pic-  
rius Valerianus in Dialogo de Homi-  
num Literatorum infelicitate, dum Co-  
lotium cum Melino sic loquentem in-  
ducit: *Mecum sentis, Meline, qui dictitare  
non desino, nihil homine literato, qui nunc  
viuat, infelicius*. Id tribuitur seueritati  
Adriani VI. qui Leoni succēssit, cuius  
Pontificatus Doctorum Virorum dictis  
maledicis expolitus, & atque obnoxius  
fuit.

Adriano è viuis sublato suffectus  
fuit Clemens VII. qui visus initio afful-  
gere Literatis Viris, instar improuifi si-  
deris (ex Leonis enim familia, & con-  
tubernio prodierat) derepentē more,  
fulminis apparuit, non modo spē litera-  
rum euanescente, sed rerum tempestate,  
Italicarum excitata. Colotio tamen alia  
ex caussa hic nouus fulgor arrisit, quòd  
videlicet Pontifex adamaret Io: Mat-  
thæum Gibertum, quem Datarij digni-  
tate insignitum Colotius hoc Epigram-  
mate salutauit.

*Grandia pollicitus præstat maiora Giber-  
tus,*

*Contentus dictis non dare vela suis.*

*Non modo largus opes, tacita quod mente  
recepit*

*Magna dabis nobis, quæ putat esse pa-  
rum.*

*Dij iuuenem seruent, cursum fortuna  
secundet,*

*Qui vates turpi seruat ab interitu*

Et mox sensit beneficium Pontificatus,  
ornatus iterum Ecclesiæ Nucerinæ re-  
seruatione, quam illi Leo concesserat:  
Siquidem Laurentius Puccius tit. San-  
ctorum Quatuor, in Senatu die 14. De-  
cembris anni millesimi quingentesimi  
vigesimali tertij habito, cum retulisset a  
Leone X. statutum, vt Episcopatus Nu-  
cerinus, seu moriente, seu spontè ceden-  
te Varino Episcopo, qui pariter consen-  
tiebat, per reseruationem ad Colotium  
Clericum Aesinum deferretur, sed dubi-  
tari, num hæc reseruatio per Cancellaria  
legēs abrogata fuisset, Clemens re-  
seruationi annuit.

Paulo post ab eodem Pontifice Colo-  
tius impositus fuit regendis Asculanis  
in Piceno, quorum Vrbs id temporis fa-  
ctionibus abundabat, adeoque fidem  
Præsidis, prudentiamque summam exi-  
gebat;

gebat: sed vix regimen auspicatus asperiùs tractatus fuit à Bernardo Lentio, Cameræ Apostolicæ Quæstore, qui stipendium denegabat eam ob causam, quod Angelus, antequam ad Urbem veniret, aliquot hebdomadis maturiùs, quàm par erat, præmisisset eò Stephanum Senensem, qui Auditoris munere fungeretur, vt ipsius nomine regimen acciperet. Sed lis composita est per iudicium Antonij Hieronymi à Carriato, Piceni Prolegato, & Asculi Commissario.

Quàm prudenter in hac Asculana Administratione, vtiliterque se gesserit, liquet ex testimonio B. Casalis Vaticani Canonici, sic eum laudantis.

*Omnis te, Angele, municeps probauit,*

*Et Sicarius omnis odit: ergo*

*Et Sicarius omnis approbauit.*

*Non eges alia adprobatione.*

Pontifex quoque Administrationem probauit, quamuis non probauerit citum inde discessum, cuius quænam causa fuerit, colligere est ex ipsius cum Clemente colloquio; cum enim de genio Asculanorum colloquerentur, qui

## 22 VITA ANGELI COLOTII

accusati fuerant de morte Præsidi cui-  
dam accelerata, Angelus subiecit, *ipsum*  
*eò missum, ut Pontifex lucraretur prouen-*  
*tus munerum ex eius obitu ad Pontificis ar-*  
*bitrium retidentium.*

Interim Colotius cæpit podagra, ma-  
laque valetudine in reliquis vitæ officijs  
tentari, vti habet Valerianus in Dialo-  
go; proinde consilium otij literarij ac-  
curatiùs excolendi animo insedit: totus  
itaque fuit in literis, quas loco cura-  
rum, & negotiorum, imò & amicorum  
habebat, arbitratus infra illas esse om-  
nia. Habitatio eidem erat in ea Urbis  
parte, quam Parionem vocant; quemad-  
modum constat ex domesticis eius ta-  
bulis, à me nuper apud Aesinos reco-  
gnitis, & ex ijs Pierij Valeriani versi-  
culis.

*An nos moremur viuere Principes  
Quod se ultro perdunt cadibus. I puer  
Accerse incundos sodales  
Ex Platea Parionis alta,  
Colotium, Granam, Petrosanctium,  
Et Lelium, Massæumque.*

Sed antea, anno scilicet millesimo  
quingentesimo decimo tertio, illi vendi-  
derat

derat Iacobus Ceccarinus Romanus, prope fundos Dominici Maximi & Matthæi Bonfinij, vineam, & situm ædificationi opportunum, cui statim manum admouerat, ædibus, hortisque elegantissimis instructis, vbi visus est instaurare veterem magnificentiam simul, & amœnitatem hortorum Sallustianorum, quos in ea parte Urbis positos ipse rerum, antiquitatumque Romanarum peritissimus fuisse censebat; adeoque eodem nomine suos appellabat. *Cum Roma essemus in Hortis meis Sallustianis, incidimus in sermonem de huius mundi partitione.*

Quæ de his Hortis Pyrrus Ligorius Libro 1. Antiquitatum Romanarum scripta reliquit, hic libens transcribam, ut harum rerum curiosis specimen aliquod præbeam admirandi planè, ac vasti operis, quod beneficio, & humanitate præstantissimi iuuenis Marchionis Ioannis Zandemaria in Bibliotheca Farnesiana, legere, & euoluere sæpius mihi licuit. *Amiterninus fuit C. Sallustius Crispus Historicus, qui militiam secutus magnas opes acquisiuit; quibus Roma forum Sallustianum Hortosque Sallustianos deinde extru-*

xit: Horti illi vario situ partim in colle, partim in valle fuerunt, ea extructionum magnitudine, ut postea Cesarum sedes, & habitatio fuerit; quorum studio ita ampliata fuit, ut superbissimis edificijs emineret. Habuit enim porticum mille columnarum, ut ait Philo, thermas, mansiones, prospectus amœnissimos, ita ut nec Umbra, neque Sol unquam ibi deficeret. Erant ibi & Tempia, & Hippodromus, siue Circus, in quo erectus stabat obeliscus ex marmore Arabico pyropoicilo, insculptus notis hieroglyphicis. Cingebant eum undique, & frontispicijs ornata, irrigabantque aquæ lateritijs ductibus immensi sumptus eò perductæ: Statuæ circumcirca eum ornabant incomparabili pulchritudine, & numero innumerabiles. Erat ibi Templum Veneris rotundum cum periptero columnarum striatarum marmoris candidi, & ordinis Corinthij, cinctum porticu, quod ex editiori loco imminebat foro Sallustiano. Forum hoc medio erat sita inter podia diuersa partim eminentiora, partim depressiora. E regione fori situ maximè edito erat templum Diana Sallustiana, & paulò interiùs forum  
Pro-

*Proserpina . Templum Diana erat triper-  
tium ordinis Ionici ; in una parte quadra-  
ta erat ades Musarum, in altera rotunda  
Apollinis, in tertia hemicycli forma erat ades  
Diana & Appollinis Communi . Huic parti  
adiunctum erat edificium triclinium cubi-  
culis undique cinctum continens, ut appare-  
bat ex fundamentis , quæ ad vineas plan-  
tandas funditus dirui vidimus . In hisce  
runderibus eruta fuit basis hac inscriptione .*

M. AVRELIVS . PACORVS  
M. COCCEIVS . STRATOCLES  
ÆDITVI . VENERIS . HORTORVM  
SALLVSTIANORVM . BASEM  
CVM . PAVIMENTO . MARMORATO .  
DEANÆ  
D. D.

*Haec procul à templo Diana inter rui-  
nas reperta fuere aliquot statua , magnitu-  
dinis humana, media, ut vocant prominen-  
tia, siue relevationis . Continent ille Histo-  
riam Niobes, & filiarum, quas Diana &  
Apollo sagittis interemerunt . Alio in loco  
reperta fuit imago Bacchi & Satyri , qui  
puerulum brachijs complexi blanditijs mul-  
cent : ea nunc servatur apud Mutos nobiles  
Romanos . Et in alio podio, ubi thermæ fue-  
rant ,*

*rant, reperta sunt aliquot Nymphae Fontium. De quibus egi in Descriptione Romæ. Totus ille Hortorum Sallustianorum locus varijs nunc vineis occupatur, nimirum Angeli Colotij, ubi nunc basis illa conservatur; & Papiensis Episcopi, & Episcopi Muti; tum etiam Francisci Sybille, & Patrum Sancti Salvatoris in Lauro (nunc Principis Prænestinorum) cum multis alijs vineis priuatorum, quæ sunt inter portam Collinam, Pincianam, & Salariam.*

Erat in his Hortis, & Aedibus Colotij ingens numerus veterum Signorum, seu Statuarum, magnamque ex ijs partem illi vendiderat anno, supra mille & quingentos vigesimo, Gentilis de Gottifredis (vti liquet ex formula soluti pretij, quæ adhuc extat;) quod fortasse abnuissent eiusdem Gentilis posterius Franciscus & Brutus de Gottifredis, qui summo labore ac sumptu Numismata, aliaque veteris æui monumenta erudita, seu Græca, seu Latina, seu externa collegerunt.

Andreas Fuluius memorat inter alia monumenta ab Angelo Colotio collecta, fuisse signum Socratis Alcibiadem com-



complectentis; Iouis Ammonis, Prothei, Aesculapij; Præterea signa Mensium, cum Dijs Tutelaribus; Et quamuis per ipsius mortem plurima vendita fuerint, nonnulla tamen ex ijs remansere; cumque eius hæreditas ad Iacobum Colotium Nepotem sobrinum, videlicet filium Hippolyti, qui ex Framio editus fuerat, peruenisset, Vlysses Aldrouādus in Libro edito de Statuis antiquis complura in eiusdem domo manere asserit.

*In Domus atrio ad dexteram collocata est in quodam forulo Statua femina seminuda, superque monstrum Marinum sedentis.*

*Extant in muro plures abaci marmorei varijs figuris aliquantulum eminentibus insculpti.*

*Spectantur etiam geminae pilae, & plurimi sepulchrales lapides cum Epitaphijs, vetustisque fragmentis.*

*Præter multa Epitaphia visitur in muro vetastior pila representans Iuxenem nudum, panno, cui globulus inerat, humeros ambiente; habet insuper hic Iuuenis in manu sagittam, cui leniter caput accommodat; ad pedes vero habet Aquam disten-*

tum, cui adest Canis quasi eum lacerans.

In Mensula Marmorea ad Culina ianuam se offerunt duo Tauri arbori alligati, domitiq; per vim à quodam, qui eorum capita in altum attollit.

In quodam Cubiculo prope Ianuam domus cernitur femina cooperta. Ibi etiam cernitur altera femina, sed capite detruncata, quam ferunt esse Victoriā Deam, apud Militares Viros celebrem. Aliud quoq; Victoria signum ibidem extat. Extant etiā Thyrsi quatuor vetustiores cum pluribus capitibus, concinnisque fragmentis.

In alia domo eiusdem Iacobi Colotij è regione supradicta spectatur Antinoi caput, cui adiunctum reliquum corpus recentiori manu conformatum.

Idem Fulvius pariter refert Pedem, quo Romani olim metiebantur, penes Angelum fuisse; ex qua mensura liquet quantum hallucinentur, qui de Pede Romano scripserunt, ac in primis Budæus; Leonardus certè Portius Vicentinus ex hoc pede quem vocarunt Colotianum, veritatem rei disceptatæ apprehendit. Hic Pes insculptus erat basi marmoreæ tumuli Cn. Cossutij, in eiusdem

dem Angeli ædibus ad Montem Pincium repertus, cùmque simul Malleus Aapitatus, Celtes, Circinus incuruus, Circinus rectus, Norma, & libella cum perpendiculo, insculpta essent, patebat vel Architectum, vel Sculptorem ibi tumultum. Hæc porro basis post Colotij funus à Gentile Delphino empta, in huius illustris familiæ Aedes translata est.

Huius Colotiani Pedis figuræ Philander in lib. 3. Vitruuij ait congruere figuram alterius Pedis insculpti in Monumento T. Statilij in monte Ianiculo reperti; quamquam Lucas Pætus sentiat eundem Pedem non esse propriam Romani Pedis mensuram, sed ipsius imaginem.

Habuit etiam Angelus antiquum Sexarium, cum Imperatoris Honorij inscriptione, & Lucas Pætus dum esset adolescentior, à se visum in Angeli manibus narrat: Eius forma erat rotunda, basis plana, altitudo maior quam latitudo, & ab imo ad summum æqualis.

Sic ipse bonarum Literarum, artiumque liberalium vtilitati prospiciebat; atque

que hac etiam causa, loco peripetasma-  
tum, parietes domesticos ornauerat  
marmoribus Literatis, quibus plurima  
cognoscebantur Historiæ opportuna.  
Celebres sunt Fasti Consulares Colotia-  
ni, laudati à Bartholomæo Marliano in  
Libello de Consulibus, Dictatoribus, &  
Censoribus, ab Aldo Manutio, à Iusto  
Lipfio, alijsque: in quibus Fastis non so-  
lum habentur Consules ordinarij, sed  
suffecti.

Abundauit Inscriptionibus adeo, vt  
Aldus Manutius in sola Ortographia  
viginti apud Colotium extantes laudet,  
& Panuinius ingentem earum copiam  
numeret.

Fuit illi plurima vis Numismatum, &  
quidem ex auro concinnè conformato-  
rum; Præterea Cimmelia, quæ Cameos  
vocant, gemmæ, aliæque imagunculæ  
singulariter elaboratæ, vt Pierius Vale-  
rianus in Hieroglyphicis testatur, apud  
eundem Angelum abundè numeraban-  
tur. Adeoque eius Horti & Aedes spe-  
ciem iucundæ, perpetuæque Bibliothecæ  
præferabant.

Nec minor illi copia erat lectissimo-  
rum

rum Librorum, qui Doctis Viris vsui fuerunt. Sic Raphael Volaterranus Opusculo Iulij Frontini, & altero Iunij Nipsi, venustissimis imagunculis contexto, sic etiam Augustinus Steuchus quodam Plinij exemplari satis concinno vsus fuit.

Porro hæredes quæsti sunt ex tanta Librorum multitudine paucos superfuisset, qui decem arcis continerentur; quod ideo refertur, vt constet quàm ingens eius Bibliotheca fuerit. Horum autem Librorum pars, Marco Antonio eius filio extincto, ad Fulvium Ursinum transijt. Itaque Angelus meritò ab Andrea Fulvio nuncupatur *Vnicus Antiquitatis amator*, & à Volaterrano *Vir ornatus, omnisq; vetustatis studiosissimus*. Sed de his Hortis orationem claudamus ijs verbis, quæ apud Panuinium in Libro 2. Fast. habentur.

*Hortuli Colotiani ad aquam Virginem, sili, maxima vetustorum monumentorum copia instructissimis, quæ primis illis temporibus, quibus antiquitatis studium caput extollere cepit, vnus Angelus Colotius sanctissimus, doctissimusque vir eo in loco sum-*  
ma

*ma cum diligentia hinc inde collegit, magnam mihi Inscriptionum multitudinem suppeditarunt.*

Lucius Faunus in Antiquitatibus Romanis refert Aquam Virginem per hortos Colotianos ductam esse, atque in iisdem, quos in Campo Martio sub colle Hortulorum sitos memorat, hanc Inscriptionem se offerre. *Ti. Claudius. Drusus. F. Caesar. Augustus. Germanicus. Pontifex Max. Trib. Potest. V. Imp. XI. P. P. Cos. design. III. aqueductus. Aqua. Virginis. disturbatos. per. G. Casarem. à. fundamentis. nouos fecit. & restituit.*

Lucas Pætus quoque commemorat eandem Inscriptionem lapide Tyburino descriptam sub Monte Pincio in Hortulis Colotianis fuisse.

Impetrauit autem Colotius ut ex eadem Aqua virgine excitaret fontem, qui duobus syphonibus diuisus delicias illi & commoda præbuit. Quare sic de eo quidam cecinit.

*Pocula habent alij ter terna à Virgine Vates.*

*A dena nosler Virgine Colotius.*

Neque hoc solum carmen ad fontem

exor-

exornandum, sed plurima alia condita  
sunt, ex quibus quædam recitabimus  
lectu dignissima, quale hoc.

*Sacri Vesta ignes, & lucida Virginis un-*  
*da,*

*Roma olim sedes Virginitatis erant.*

*Flamma perit, remanetque liquor, gelido-*  
*que fatetur*

*Quod sit tuta magis corpore Virgini-*  
*tas.*

Ita etiam illud

*Roma nouem superest ex ductibus unus*  
*aquarum :*

*Vna tibi dulces Virgo ministrat aquas.*

*Nil longi rabies huic temporis improba-*  
*dempsit;*

*Hæc habet à Diuis premia Virginitas.*

Et aliud ;

*Polluti Venere este procul, seu fæmina,*  
*seu vir ;*

*Impuros pure Virginis horret aqua.*

Illud etiam :

*Hoc nemus umbrosum, hæc undam exce-*  
*ptura cadentem*

*Marmora rara meus dat tibi Colotius.*

*Tu memor infusum Lymphis da Virgo*  
*pudorem,*

### 34 VITA ANGELI COLOTII

*Illi olim fuerit filia si qua bibas .*

Marcus Antonitis Casanoua mente , ac  
stylo purissimus sic cecinit :

*Quam benè confugit Virgo in tua recta  
Coloti;*

*Non alio potuit tutior esse loco .*

*Iam tua nomen habet Lympha ; at tu  
præfica Virgo*

*Incipis Aonijs vatibus esse liquor.*

Hoc etiam perlectum fuit:

*Tu siccam quicumque situm restinguere  
queris ,*

*Dum placidè ad murmur Lympha quie-  
scit aqua .*

*Parce precor strepitui , sic longo hic tem-  
pore potus*

*Sit tibi , & ad læthes pocula ferus eas .*

Inter alia autem plurima, quæ de hac re  
scripta sunt Epigrammata, illud tantum-  
modo insculptum fuit , quod ab ipso  
Colotio exaratum videtur .

*Huius Nympha loci, sacri custodia fontis  
Dormio dum blanda sentio murmur  
aqua .*

*Parce meum quisquis tangis caua mar-  
mora somnum*

*Rumpere siue bibas , siue lauere , tace .*

Exa-



Exarauit idem Colotius hæc, quæ infra  
recitantur, Carmina in eo ductu, vbi  
Aquæ Virginis origo perhibetur, in  
gratiam videlicet Augustini Triuultij  
Cardinalis, qui ibi nobiles Aedes con-  
struxit, quæ ad Collegium Canonico-  
rum S. Mariæ Maioris nunc pertinent.

*Sacri huius Regina loci Dea fontis ama-  
ni,*

*Quæ leta Augusti Principis arua rigas,  
Nunc post tot curas & fessum puluere,  
& aestu*

*Sparge salutiferis Nympha solonis a-  
quis.*

*Ille, tibi geminis faciens caua pocula  
palmis,*

*De non suspecto sepe liquore bibat.*

*Perque tuos latices nantes longo ordine  
cygni*

*Oblectent Dominum turba canora  
suum.*

*Sic tibi ceruleis undis, riuoque perenni  
Perpetua liceat virginitate frui.*

Porro Solon dicitur locus, vbi eiusdem  
Aquæ Virginis cunabula extant, quam  
Colotius alloquitur alludens ad Aedes  
eiusdem Cardinalis & amici & Domi-

ni . Etenim Colotius eiusdem Aquæ riuos aliquot (vt paucis eius originem explicemus) collegit, cum Romæ id temporis desideraretur tanta vis, quanta postea succreuit opera summorum Pontificum Pij IV. & Pij V. etsi eorum, nomina nullo pacto appareant in loco, vbi illa publico vsui manat . Et Lucas Prætus opusculo certo complexus fuit rationem, artemque, qua in Urbem derivata fuit; vti & Augustinus Steuchus alio opusculo Pontifices ad huiusmodi rem Principibus dignissimam aggrediendam hortatus fuerat; auctore forsitan Angelo Colotio, cuius etiam suasu Libellum de suæ patriæ nomine ediderat, vti refert Ambrosius Morandus Bononiensis Canonorum Regularium S. Saluatoris Præses Generalis, in eius vita . Porro Nicolaus Quintus modicam eius portionem tantum non procul Roma mille videlicet passibus, extra Pincianam Portam ad Pontem Salarium inuenerat, quæ subterraneo & profundo meatu per eandem Portam inducta sub colle Hortulorum sese attollens, deum per Hortos Colocios ibat in eum locum

locum, qui Triuium dicitur, vbi & ante paucos annos extabant eiusdem Pontificis insignia. Sed Pius IV. tum suæ, tum Populi, & Cleri Romani sumptu, eius latè ducendæ prouinciam commisit Antonio Triuiso Lupiensi, qui multa spondens, nil præstans, professus fuisse, accepto viginti quatuor millium aureorum pretio, huiusmodi Aquam derivaturum: adeoque destinati fuere, qui operi adessent Marius Frangipanus Populi Romani Cancellarius, Rutilius Alberinus, Horatius Narus, Lucas Petus, & Gabrio Serbellonus Pontificis fororis filius, qui præesset. Verum interim orta inter Triuisum, & Fabros cæmentarios dissensione, operi manus vltima imponi haud potuit, præsertim vita, functo Pio Quarto; cui cum successisset Pius Quintus, Triuiso etiam extincto, ac viginti quatuor millibus aureis iam exhaustis, itum est in sententiam, fore, vt adiecto decem millium aureorum pretio, res ad finem perduceretur. Itaque collato in idem opus Vinivestigali, Præsidibus Cardinale Riccio, Naro, & Peto, ac Iacobo a Porta, & Bartholo-

mao Gritto Architectis, Aqua Romam deportata est; nullum tamen ibi monumentum apparuit eorundem Pontificum, cum Pius Quartus occidisset, opere nondum perfecto, & Pius Quintus præ modestia recusasset suo nomine insignire opus à superiore Pontifice inchoatum. Urbanus demum Octauus, multorum aureorum millium impendio, magnam aquæ ductuum partem instaurauit, & plurima vi aquæ, quæ interciderat, recuperata, ad meridiem vertit pegma: quod ad Occidentem vergens in Triuio aquam publicè ac amplissimè effundebat tribus maximis siphonibus dispersitam. Proposuerat eidem adijcere & Virginis statuam & alia ornamenta, Equitis Bernini ingenio delineata, sed bellicis curis impeditus consilium exequi haud potuit. An Virginitas fato quodam hæc ornamenta respuit, vt intacta per se ipsam oblectet?

Huius igitur Aquæ in Solone nascentis originem se aduertisse probè indicat Colotius eo epigrammate, quod ad Cardinalem Triuultium misit: & quamquam illa nondum Romam vidisset, tamen

tamen pluribus carminibus passim à  
Poetis laudatus est, quod eius riuulos  
in suis Hortis collegisset; vti patet ex  
hoc epigrammate:

*Omnis Aqua Latiam ductus defecerat  
Vrbem;*

*Virginisq; super iam liquor unus  
erat.*

*Ipse quoque exiguo perisset tempore; si  
non*

*Prouida Colotij cura tulisset opem.*

Et Vopiscus Poeta Neapolitanus mea  
sententia modum eius colligendæ hoc  
scazonte tradidit:

*Fontes videmus supra cum vices mu-  
tant;*

*Primo loco obstituto scatent vicino,*

*Et supra demisso alueo suo flumen*

*Cursu liquenti nare proximis campis:*

*Sic fama vices cum volucris alternat*

*Vno loco diffusa proximo surgit.*

*Sallustianos extollit priscis hortos*

*Iam splendida celebritate donatos*

*Extincta nunc agro resurgit vicino*

*Colotianis hortulis caput tollens.*

Hinc adfirmare necesse est Colotij tem-  
pore modicam Virginis Aquæ portio-

40 VITA ANGELI COLOTII

nem à Nicolao Quinto repertam, & collectam canalibus, vel perijsse, vel æstate exaruisse; atque à Colotio, seu priuato sumptu, seu publica auctoritate restitutam.

Horum verò temporum lætitia, & frequens doctorum virorum consuetudo famam attulere Colorianis Hortis; inde illorum foribus illud distychum, à quodam inscriptum est.

*Hic Genij locus est, Genij una cura voluptas*

*Aut Genij viuas legibus, aut abeas.*

Et illud aliud

*Hic iocus, hic felix habitat sine lite voluptas.*

*Et Genius: cedant iurgia, cura, labor.*

At Colotius non prætermittebat animos Amicorum aduentantium irrigare optimo vino, vbi aqua liberaliter hortos irrigabat.

*Esse negat vatem quis te Angele? bina Poete*

*Numina habent: dextrum numen vtrumque tibi.*

*Tam bona non ulli concedit carmina Phæbus.*

*Nisus*

*Nisus nulli tam bona vina Deus.*

Itaque Colotiani Horti ijs tantum voluptatibus affluebant, quæ ex bonis artibus oriebantur. Et reuera quid Literato Viro iucundius accidere potest, quam de suis studijs conterre sermones, nobilique mercatura seu dare, seu eripere alijs ea quæ dum dantur, acquiruntur, dum auferuntur, donantur cum lucro?

Hinc Socrates alter Colotius habebatur; nec sine quodam fortasse mysterio eiusdem Philosophi Alcibiadem complectentis signum ibidem tenebat, quasi ostendens quanto studio curaret Iuuentutem virtutibus & literis imbueri; quapropter Iouius alienorum vitiatorum haud dissimulator, in elogio Elifij Calentij scriptum reliquit: *Colotium ab eruditi ingenij candore virum lectissimum fuisse, quem utuido ingenio senem & sacrata insula clarum salubris eloquentie præcepta in hortis ingenue tradentem suo tempore Romana Iuventus colebat.*

Nec Romanam tantum huc Iuuentutem, sed Academicos omnes, vniuersamque Aulæ nobilitatem pertrahebat:

adeo,

adeo, ut P. Summontrius in Epistola præposita Libello Ioannis Pontani de Magnanimitate dixerit hæc verba : *Nam quid ego de te hac in parte dicam? qui præter quàm quod domus tua doctis, & bonis omnibus veluti commune quoddam hospitium semper patuit &c* Sic Domus Colotij Domus Musarum videbatur; cui Baptista Casalis hoc epigramma inscripsit.

*Redde Helicova mihi; redde, inquit  
Apollo, sorores.*

*Dic ubi sunt, inquam: dicam ait ex  
tripode*

*Musa habitat, spretis, Bassi penetra-  
lia, Delphis,*

*Illique æternis fons scatet uber aquis.  
Redde libens, inquam, te Phæbe tuisque,  
tibi que :*

*Non alio poteras gratior esse loco.*

*Musarum sed me sacris admitto volen-  
tem*

*Castalioque meo prolue fonte sitim.*

Neque tamen Colotius solum documentis liberaliter omnes iuvabat, sed auro etiam infelicitatem plerumque Literatum comitem subleuabat. Pie-



rius Valerianus in opusculo de Literatorum Infelicitate, vbi inducit Contarenum Venetum Oratorem, Episcopum Granam, Colotium, aliosque loquentes, sic de Scipione Carteromaco loquitur: *Romam reuersus apud hunc Colotium nostrum, cuius in Literatos omnes liberalitatem nemo nostrum non expertus est, quàm conianctissimè conuixit. Erat Colotius Literatorum, vt ille ait, Coriphæus, quod & idem Pierius Valerianus ostendit. Et vt à nostro demum ordine recedamus, nunquam Antonij Marossici sine dolore meminerimus, quem nostra, Contarene Regio ad nos miserat, quem Colotius, quem docti omnes Roma, & amabant, & venerabantur. Vbi apertè nominans Colotium, aliosque Literatos subindicans, videtur eum reliquorum principem agnoscere: quare Hieronymus Tastsis ab oppido quod dicitur, Rocca Contrada, vir probe doctus illi scribit vti Literatorum parenti; & Lucius Calentius eundem nominat Bonarum artium perfugium.*

*Vnicus hoc tenuis miseratus tempore  
crates,*

*Mace-*

*Macenas gratam praeiit alter opem.*  
 Cecinit de nostro Colotio Franciscus  
 Pamphilus in laudes Piceni.

Itaq; mirum non est si complures illi  
 libros dedicauerint, vti idem Calentius  
 Poeta tanti nominis, vt Pontanus acu-  
 tissimi iudicij vir non dubitauerit dice-  
 re: *Perlegi ad Colotium nostrum carmina*  
*antiquam illam dicendi maiestatem prouo-*  
*cantia.* Quin idem Iouianus Pontanus  
 inscripsit illi tertium Opusculum de  
 Fortuna, & aliud eiusdem de Magna-  
 nimitate Petrus Summontius, Mancin-  
 nellus suorum Sermonum decadem,  
 Augustinus Staccolus Vrbinas versus  
 Italicos, quos Rimas à rythmo dicunt;  
 & N.N. versus Latinos. Præcipuo amo-  
 re complexus est ipse Seraphinum,  
 cuius mortem epigrammate Italico fa-  
 tis concinno celebrauit; Pierius Vale-  
 rianus, Mediceorum Alumnus, illi di-  
 cauit Lucubratiunculam; *De his, quæ*  
*per olorem, lusciniam, Psittacum, & alios*  
*aliquot aues significantur, ex Sacris Aegy-*  
*piorum literis.* Et ex epistola, quam illi  
 scribit, vti & ex alijs eiusdem operis  
 eruditissimi locis, probe patet quantum

& amauerit Colotium, & laudauerit. In quadam etiam disputatione de Italica Lingua cum inter primarios colloquentes inducit, indicatque familiarissimum Iulij Cardinalis Medicei postea Clementis Septimi, quamuis & Leoni Decimo, & Paulo Tertio gratissimus fuerit. Quod non est mirandum cum Angelus, simul cum alijs ingenij dotibus, summam conjunxerit vrbانيتatem, suauitatemque consuetudinis, argutis, facetijsque serendis peritè incumbens, adeo vt hanc veluti ipsi propriam dotem laudauerint doctissimi & seuerissimi illius ætatis Scriptores, atque in primis Iouianus Pontanus à Iouio nimie acerbitatis inculatus; quamobrem hæc laus pluris facienda est quàm aliud ab amico stylo elogium. Nec importunum aut præter rem duxerim referre quædam Pontani loca in Opusculis de Sermonibus hanc Colotij iucundam facilitatem testantia. Lib. 2. de Hypocritis: *lure igitur, inquit, Vmber meus mihiq; pernecessarius A. Colotius Bassus, vir & doctus pariter, & iucundus usurpare consuevit, nec Aquinatem Thomam,*

*nec*

nec Ioannem Scotum plures reliquisse Auditores, doctrinaeque suae sectatores, quam Ioannes hic, cui factum sit agnomen à Vitellis, imitatores reliquit, ac discipulos. Con-  
fuerat enim die, cum aut aries ferosulus offerretur, aut vitulus, contremiscere ad eius aspectum, noctu verò ex armentis vegetum quemque siue bouem, siue taurum apprehensum cornibus, vesteque illigatum secum trahebat ad forum & mercatum. Lib. autem 4. ait: Simile est familiaris nostri Colotij Bassi viri admodum iucundi, cum enim per iocum obijceretur ab amico quod nimia ventris eius esset parsimonia; Gratulor liberalitati tuae, respondit, quod plura multò des ipse quam accipias, laborabat enim ille sapissime ventris proflunio. Eodem libro de risu prouocando; Extat exemplum quoque A. Colotij in lateffentem, deque dictionem et sua prorumpentem in cachinnos, nam cum hiscentem illum Colotius cerneret, Hia, inquit, hia, mea moredula, en adest mater cum lumbriculo, quae tibi pappam dabit. Libro demum sexto agens de facetis narrationibus; In hoc autem ipso iocandi genere comis est admodum ac periucundus A. Colotius noster tum

pro-

*propter insitam ei à natura perraram, quamdā in dicendo hilaritatem, tum propter egregiam Literarum peritiam, rerumque plurimarum usum; quo fit ut in explicandis fabellis, in epigrammatis, comicorumque Poetarum dictis referendis, ac lussibus mirificè delectet; & paulò superius dixerat, uti retulimus, Vmber meus mihi pernecessarius A. Colotius Bassus vir & doctus pariter, & incundus.*

Hæ igitur à natura, à fortuna & ab industria prærogatiuæ omnium beneuolentiam Colotio conciliabant, adeo ut citra controuersiam esset *Vrbanorum Ingeniorum coryphæus*, quemadmodum ille asseruit, eiusque domicilium instar perennis *Academiæ*. Primus omnium qui *Academiæ* nomen pridem sepultum, excitauerit, fuit Pomponius Lætus. Is cum in monte Quirinali præclaros hortos possideret, una eum idoneis ædibus, (in quarum frõte insculpta erat inscriptio POMPONI. LAETI. ET. SODALITATIS. ESCVILINALIS. non FVSCVLINAE; uti sc legisse venditabat Cæculus quidam non vulgaris, sed primarię dignitatis homo,) quas Viri Docti  
fre-

frequentabant, eidem loco tribuit illud nominis, quo celebris fuit secessus Platonis, sex stadijs extra Athenas morantis; quod & imitatus fuit Cicero, qui & Villam suam, in quam studiorum causa secesserat, Academiam nuncupavit. Sic etiam Colotius hoc suum domicilium, cum præsertim ibi amæni horti adessent, Academiam appellavit; Academicique appellati fuere qui eò docti commercij causa confluebant. Inde propagatum nomen Academiarum Romæ, & in Italia. Neque mihi constare potuit alia huius nominis origo, cum alia non constet inter hos & antiquos Academicos, dictos veteres ac novos, similis ratio. Illi quædam axiomata & dogmata certa profitebantur; Hi liberè nulla lege per omnes disciplinas, & artes vagantur, deque omnibus pro arbitratu disceptant.

Porro huiusmodi Literati Cætus exhilarabantur conuiuijs, & recitationibus Scriptionum, quæ in dies ab vnoquoque conficiebantur; cum nihil opportunius literis accidat quàm mutuum commercium. *Vtile igitur est habere*  
*quos.*

quos imitari primum, mox vincere velis,  
ait Quintilianus.

Sic ingenia magis magisque excole-  
bantur, & æmulatione interposita, quis-  
que tum scribendo, tum recitando re-  
liquis excellere studebat. Nec, extin-  
cto Pomponio Læto, Academia locum  
aliud certum habuit, quo se reciperet,  
quàm domicilium Colotij, iam liberi,  
& senis; quò tamen non instar aduenæ  
ac alienigenæ accessit. Id confirmat in  
sua ad Colotium epistola Iacobus Sa-  
doletus,

*Ac mihi recordanti spatium præteriti  
temporis, & vetera animo repetenti, cum  
& plures convenire soliti eramus unâ, &  
erat ætas nostra ad omnem alacritatem,  
animique hilaritatem longe aptior; quoties  
venire in mentem putas eorum catuum,  
conviviorumque, quæ inter nos crebro habe-  
re solebamus? cum aut in Hortis tuis subur-  
banis, aut in meis Quirinalibus, aut in Cir-  
co maximo, aut in Tyberis ripa ad Her-  
culis, aliàs autem alijs in Urbis locis con-  
ventus agebantur doctissimorum hominum;  
quorum unumquemque, & propria ipsius  
virtus, & communis cunctorum prædicatio*

commendabat. Vbi, post familiares epulas, non tam cupedia multa candiditas, quàm multis salibus, aut poemata recitabantur, aut orationes pronunciabantur, cum maxima omnium nostrum, qui audiebamur, voluptate: quod & summorum ingeniorum in illis laus apparebat; & erant illa tamen, quae proferebantur, plena festiuitatis, & venustatis. Quo in genere recordor pressum, & acutum Casanovam, Capellam letum sonantem, magniloquum Vidam, & cuius proximè ad antiquam laudem carmen accederet; castigatum, & prudentem Beroaldum; uberes autem, & suaues Pierium, Granam, Mathalenum, Blosium, quosque complures nostra perspexit aetas partim carmine, partim soluta oratione eximios, cuiusmodi Nigrum nostrum Tulliana in dicendo gravitate, Antoniumque Venantium, & Binum in utraque enitentem lingua: Acres autem in iudicando, & in primis acutos Vbaldinum, & Antonium, cui Computista cognomen est. Quo è numero multi in utroque genere dicendi egregiam sibi laudem à doctis omnibus comparauerunt. Nam illa ornamenta, & lumina linguae Latinae, Phedrus, & Camillus Porcius magno cunctorum in-

con-



commodo iamdiu morte erepta nobis sunt, in quibus sedem sibi videbatur statuisse eloquentia . Cuius nunc honorem, atque nomen consensu iam Urbanorum omnium, retinet Paulus Iovius, & in scribenda historia gravis, & in omni genere Literarum perpolitus . Quin, & duorum summorum hominum me admonet recordatio fuisse quoque eorum conuentu nostras aliquando cœnas atque epulas exornatas; quorum est unus Petrus Bembus, cuius in omni virtute laudeque eloquentiæ summa, & singularis semper fuit gloria; alter, qui nuper in Hispania decessit magno cum merore omnium quibus fuerat notus, hoc est planè omnium, Balthasar Castilianens, magnus vir in primis, nec solum nobilitate, & genere, sed magnitudine etiam animi, & omni eximia virtute præstans; quique quod in militari viro erat admirandum, omnes omnino artes libero homine dignas, & omnia doctrinæ genera comprehenderat: quem ego recordor sæpe, atque hilarè nostris cœtibus interfuisse; & ipsum, & eum, qui paulò ante est mortuus summa indole ingenij, & spe maxime virtutis Ioannem Franciscum Furnium cinem meum . Namque hos

qui modo secutus supremum in Gallia obiit  
 diem, pari cum illis virtute, & nobilitate  
 præstans Andreas Nauagerius, tametsi no-  
 stris cœnibus minus sæpè interfuerat: pro-  
 pter excellentem tamen in litteris, & scien-  
 tiam, & gloriam à nobis est perhibendus.  
 Lazarum autem, qui nunc abest à nobis,  
 cuius in Græcis, & Latinis singularis est  
 eruditio, quique Philosophia, & sapientiæ  
 studia non solum scientia, quod faciunt per-  
 multi, in quibus tamen excellit: sed vita,  
 & moribus, & vera virtute complexus est;  
 credo equidem vobis in desiderio esse; item-  
 que Marium Volaterranum hominem gra-  
 uem iam, & dignitate, & annis; sed cuius  
 admirabile ingenium, summamque Litera-  
 rum cognitionem nisi Vrbs, & Urbana cu-  
 ra præpediissent, plurimum lucis allatu-  
 rum nostro sæculo non dubito fuisse: à quo  
 potissimum exhilarabantur cœnæ nostræ,  
 cum & in laceffendo acutè, & in respon-  
 dendo omnes ex eius verbis, atque vultu  
 effluerent lepores. Nam Marium Buc-  
 cabellum, quod audio esse incolumem maxi-  
 moperelator, hominem cum omni virtute  
 ornatum, tum mihi amicissimum. Atque  
 inter hos tot, & tales viros, aliosque com-  
 plures

plures, quorum omnium nomina prosequi non huius est descriptionis: dulces quoque Corythi iracundias, & gratas ineptias Donati spectare haud displicebat; quos noster. Sa- uoia homo omnium facetissimus, & prouocare solebat studiosè, & ridere. Nam de te, mi Coloti, quid dicam? cuius in animo, & natura mihi videntur Musæ effigiem sui moris, ac decoris insculpisse, ut esses pudore, virtute, liberalitate ornatissimus; cuius pectus, atque ingenium doctrinis omnibus; domus autem ipsa tua omnibus doctis pateat.

Hi amici, & hæc officia in communi vita æstimabantur eo Seculo, quod aureum habitum vsq; ad ferream tempestatem, quæ Romam pene perdidit: Hæc accidit anno salutis millesimo quingentesimo vigesimo septimo, quo Vrbs æterna pæne periit, tamque pulchra viuendi ratio desijt. In ea famosa Urbis direptione sensit sua damna Colotius, custodiæ traditus, & bis graui pecunia, multatus: vidit flammis collucere suas ædes, tum eas quas habitabat, tum alias quas Romæ possidebat, vnde illi pluri-  
mi prouentus: quæ ruina caussa fuit,

## 54 VITA ANGELI COLOTII

ut illæ vel in hortos versæ fuerint , vel  
 sine tecto , & laquearibus iacuerint .  
 Caruit etiam fructu , quem percipiebat  
 ex Notarij dignitate , amisitque ob præ-  
 sentes calamitates vestigalia , quæ  
 emerat, non sua , sed Camilli , & Hië-  
 ronymi de Sanctonis sobrinorum pecu-  
 nia .

Lilius Gregorius Giraldu apertè  
 tradit Colotium bis fuisse redemptum,  
 ac demum sese in patriam recepisse ;  
 eumque ipse amplius non perciperet  
 fructus liberalitatis Colotij , particeps  
 communis calamitatis , & inops sic con-  
 queritur ,

*Non potes hic præsto esse mihi officioso  
 Coloti;*

*Te tuus Aesis habet , nec te tua plurima  
 virtus,*

*Musæque protexit , quin digna indigna-  
 que ferres ,*

*Bisque impacatus vitam taxarat Hibe-  
 rus.*

Inter alia mala Colotius doluit se  
 non modo supellectile omni pretiosa ,  
 alijsque rebus sibi carissimis exutum ,  
 sed quibusdam magnis & concinnis nu-  
 mis,

mis, seu Numismatis aureis, quibus  
postea recipiendis impendenda fuit  
multa pecuniæ vis. Illud tamen supra  
omnia doluit, iacturam videlicet libro-  
rum Græcorum, Latinorum, atque  
Hebraicorum. Et sane quid grauius do-  
leat Vir literis additus, quàm suis ocu-  
lis intueri opera Doctissimorum, ac San-  
ctissimorum virorum, seu barbaris mani-  
bus discerpta, seu in lutum, turpesque  
usus proiecta? Et quamuis molesta &  
grauis esset iactura editorum Librorum,  
grauior tamen, & molestior supra com-  
parationem erat Manuscriptorum, adeo  
vt quorundam nullum omnino exem-  
plar superfuerit. Quantum vero auxit  
hoc damnum pæne immensum amissio  
Amicorum, qui vel fato defuncti, vel  
fuga dispersi? Nihil enim Angelo anti-  
quius fuit amicitiae lege, qua de causa  
illustis inter alios fuit. Hinc, vt ex  
Sadoleti Epistola liquet, tot Viri consi-  
lio, & sapientia præstantes ab eius vir-  
tute, non fortuna pendebant. Idem Li-  
lius Gregorius Giraldus de Colotio  
hoc tradit: *Angelus Colotius Aesinus &c.*  
*unus præterea mortalium omnium erga,*

*amicos non modo viuos, sed etiam vita  
functos officiosissimus. Et ex Petro Sum-  
montio constat illos in primis à Colotio  
cultos, qui digniores essent. Eapropter  
contendit, vt Opera Iouiani Pontani ty-  
pis consignarentur; eidemque statua  
erigeretur, yti olim Principes Claudia-  
no, Aufonio, Virgilio, alijsque crexere.  
Nec solum (ait Summontius ad Colo-  
tium) scripta hac edenda curas, verum  
etiam de erigenda illi more maiorum sta-  
tua, deque assiduis honoribus. Quo fit, vt  
nulli omnino inferior tua in illum pietas, ac  
liberalitas habeatur.*

Atq; hoc tradit post summè laudatam  
eiusdem Colotij liberalitatem in libros  
Pontani, qua testatur propterea minimè  
Francisco Picolomineo Aragonio Bi-  
siniani Archiepiscopo concessisse. Dedit  
etiam operam, vt typis cuderentur car-  
mina Seraphini, Staccoli, Calentij, alio-  
rumque Doctorum Amicorum.

Sed duo in primis memorantur à  
Sadoletto, quibuscum Colotio summa  
necessitudo intercessit; vterque dignus  
nostra mentione est, tum Colotij iu-  
dicio, tum sua ipsorum indole maximè

lau-

laudandus ; vterque doctus , vterque probus, alter Græcus domo , & educatione Princeps ; alter magnorum Principum educator , & postea Principum Princeps . Ille summo labore , sed vano ad Principatum recuperandum incubuit ; Hic nullo labore , nisi virtuti necessario Ecclesiæ principatum obtinuit ; vterque adeo Colotio coniunctus , vt dixisses eandem mentem, eandemque animam in pluribus versari ; Alter dictus Ioannes Lascarus Constantinopolitanus, alter Marcellus Ceruinus Tyrrenus, seu Etruscus .

Lascarum cepit diligere Colotius a puero, & fortasse apud Despotam Andream Palæologum , paulatimque adiunxit ei de Othomano à Græcia mouendo consilia ; quæ non animi seu leuitas, seu tristitia , seu ambitio ingessit quasi Principum gratiam , colloquiumque captaret , sed studium liberandi ex Barbarorum manibus Asiam, & Europam . Porro Lascarus ob stirpem , multæ authoritatis erat ; Iouisque affirmat neminem Græcorum , post amissam Constantinopolim , tanti consilij Romanam

mam accessisse ; Ipsum & excelsos spiritus habuisse , & maiores qua Imperatorum , qua Magistrorum dignitate insignes .

Inter Colotij scripta, quæ in Bibliotheca Vaticana adseruantur, extat manu Lascari exarata brevis formula Epistolæ Italicæ, quam ad Carolum Quintum scribebat, congruens Iouij dictis . *Florentia, inquit, effeci apud Laurentium Medicum, ut honestam ob causam ad Principem Turcarum mitterer ; biennium consumpsi in profectione , ac reditu: diuersas Regiones notavi; perpendi potentiam statumque seu maritimum, seu terrestrem, moresq; ipsorum bellicos. Cum accessi ad Innocentium adduxi Turcarum fratrem, omnia quæ mihi constabant, ad ipsum detuli, sed is, vel ob aliam causam, vel ob Matthiæ mortem haud animum intendit in eam expeditionem, quam promulgarat . Inde cum Carolus Rex in Italiam copijs insignibus succinctus aduenisset, ipsum & allocutus fui, & certiores de ijs feci; ac secutus fui, quando pollicebatur se, ubi in Galliam redisset, maioresque copias contraxisset, rebus Turcicis animum adieciurum. . Carolo ex-*  
*rinelo*



*tinēto sapius egi cum Rege Ludouico, à quo  
 Venetias legatus septem annos in ea legatio-  
 ne duxi, sapiusque cum Veneto Senatu egi.  
 Parente etiam tuo per Gallias iter habente  
 egi Saonæ, & postea Tridenti cum anis  
 tuis, ac etiam cum Iulio, & cum Leone  
 Pontifice, qui consentientibus tuo Auo &  
 Rege Gallie ibi morante, Mediolanum  
 cum ingentibus mandatis me misit; & tum  
 maritimis Nuntijs, tam meis literis admo-  
 nitus de Othomani progressibus, id tractatū  
 capit, ne Othomani cresceret. Sic quantum  
 meis viribus licuit; peractum est: Nuper  
 autem, nuntiata tua victoria; Clementem  
 allocutus sum. Vide quid possis cum in tua  
 potestate habeas Regem Christianissimum,  
 magnum victoriæ momentum. Sed Lasca-  
 ri studia, & labores in irritum cecidere,  
 cum deessent, qui eius consilia pro-  
 mouerent: Itaque licuit Othomano inua-  
 dere Aegyptum, & postea Pannoniam,  
 Viennam vsque, ac demum Cyprum,  
 & Magnam Africæ partem occupare.*

*At Colotius respondit Lascaro pari-  
 bus amicitiae officijs, & viuenti, & mor-  
 tuo, nobili hoc Epitaphio eius tumu-  
 lum exornans.*

*Dile-*

*Dilectus Musis , & rebus natus agen-*  
*dis ,*

*Quem grauida Imperijs protulit alta*  
*domus :*

*Tot freta dum curris , totque inui-*  
*regna pererras ,*

*Aufonia tandem Lascaris Vrbe iaces .*

*Sed situs in patria es , Graio licet orbe re-*  
*motus ;*

*Nulla est virtuti terra aliena tua .*

Alter Colotij amicus Marcellus Cerui-  
nus fuit , Marcellus ille quem Orbis  
Terrarum in Solio Vaticano adorauit ,  
paucis quidem diebus , sed cum æter-  
na eius Virtutis ac Sanctimonix recor-  
datione.

Hic Romam se conferens primum  
fortunæ fauorem expertus fuit , compos  
amicitiæ Colotianæ , qua adeo potitus  
fuit , vt inter ipsos idem pæne esset  
exequi & exponere voluntatem . Et  
quemadmodum Colotius in rebus pu-  
blicis Lascarum iuuit , sic Ceruinus pri-  
uatas Colotij res asseruit . Extat adhuc  
monumentum solidæ inter eos necessi-  
tudinis.

Etenim Angelus ne auaritiæ Satelli-  
rum

tum mortis concederet, quod in obsequium, vtilitatemque Musarum reservabat, confectis nominibus bona sua domestica alijs, siue consanguineis, siue exoticis hominibus, siue Vxori, tanquam dotis portionem attribuebat; vt hac ratione effugeret solutionem grauiſſimę multę, sibi ab ipso direptę Urbis tempore impositę; Marcellum quoque Ceruinum elegit, cui quędam prędia diuendita affinxit, Schedulamque idem Ceruinus sua & manu, & subscriptione firmavit, qua testatur, ad Colotium, non ad se pertinere prędia, quę in Aesino Agro, & domicilia, quę Romę ab eodem Colotio emerat, vt sic ipsi Angelo Colotio caueret.

A di 8. di Febraro 1536.

*Fò fede io Marcello Ceruini per questa scritta di mia mano, come una compra, quale hò fatta da M. Marc' Antonio di M. Angelo Colotio, e per lui da M. Nicolò Fabro da Jesi, al presente Mastro di casa del Reuerendissimo Palmiero, come Procuratore di detto M. Marco Antonio fino al dì del mese di*

di Febraro presento, di due pezzi di terra possessioni à Iesi, e di alcune case, & ancora di case à Roma, come di tutto è rogata M. Bartolomeo da Fano, fo fede dico, che la tal compra è stata finta, e non vera, e come li denari, ch'io pagai in presenza del Notaro, e testimonij erano di M. Angelo Colocci, e non miei. Il che si è fatto per saluare al detto M. Marc' Antonio l'offitio della sua Scrittoria Apostolica in euento che M. Angelo suo Padre fosse condannato a torto in la causa della Taglia, e così che nè io, nè i miei heredi li possino domandare le prefate cose comprate, nè io ci hò à fare cosa alcuna, e così dichiaro per questa scritta di mia mano propria fatta in Roma, questo di otto Febraro sopra scritto, anno detto.

Idem Marcellus Ceruinus

manu propria &c.

Egregiè hoc amicitiae officium Colotius compensauit; nam à Paulo III. vocatus, vt Cardinalibus Farnesio, & Sancti Angeli Nepotibus educandis operam daret, caussatus & valetudinem & senectutem, proposuit tanquam huic muneri aptissimum Marcellum, qui inde

de sese extulit ad summum fortunæ apicem per summam illam virtutem, quam postea in eodem Pontifice Maximo sæculum superius suspexit.

Anno millesimo quingentesimo trigesimo quarto, die vero decima octaua Decembris in arcano Senatu Pontifex Paulus III. confirmauit illi Ecclesiam Nucerinam, quam illi Leo concesserat, restituitque statum omnem pristinum, abrogata quacumque lege illi aduersante.

Itaque anno supra mille, & quingentes trigesimo septimo cum Fauorinus Episcopus obiisset, post tantum temporis interuallum, & variam Aulæ Romane fortunam locus reſeruatiōni fuit; & Paulus, consentientibus Purpuratis, nominauit Episcopum Angelum Colotium, laudantibus eius & virtutem Pontifice cum Senatu, & electionem omnibus. Quapropter ipse, vigesimo Aprilis die eiusdem anni, ad Ioannem Benedictum, sibi perquàm familiarem scribit. *Magni quidem facio Episcopatum Nucerinum, sed pluris studium Pontificis, & Cardinalium, qui ad vnum omnes egregium*

*gium de me testimonium tulere , Rogemus  
Deum , ut id salutis animæ meæ bene ver-  
tat ,*

Porro hic Episcopatus inter alias  
Vmbriæ Sedes plurimi æstimatur , non  
modo quia Romæ propior , & prouen-  
tibus opimus , sed multo magis Cæli ,  
& aquarum salubritate ; adeo ut Ma-  
gnus Vrbani Octauus dicere soleret ,  
se huiusmodi Episcopatum si suo tem-  
pore Episcopus obiret, non delaturum  
nisi ad hominem sibi amicissimum ,  
Ergo Paulus Tertius cum non nisi præ-  
claros Viros, qua thiara , qua purpura  
exornaret , hoc elogium à Colotio re-  
tulit .

*Est aliquid bone Paule, nouis te mœnibus  
Vrbem*

*Cingere , & obliquas illi aperire vias.  
Est aliquid sauos procul exegisse tyran-  
nos ,*

*Vt populis reddas ocia tuta tuis,  
Est & Regum animos placasse in bella  
furentes ,*

*Et pacem studijs conciliasse bonis :  
Sed quia largus opum doctos extollis ,  
& ornas ,*

*Hoc*

*Hoc est quod superis te facit esse parem.*  
 Literatorum turbæ visus est in Paulo Leonis Pontificatus reflorescere, sed loco profusionis accersita prudenter liberalitate, non minus Reipublicæ, quàm Sedi Apostolicæ opportuna. Fuerat Paulus Pomponij Latini alumnus, adeoque mirum non est, si literis faueret. Præterea opus illi erat Viris eruditis, quorum opera vteretur in Concilio, quod rerum Christianarum vrgens necessitas exigebat.

Interim Colotius sua in Sede degens Episcopales Nuceriæ Aedes amplificauit, adiectis varijs ornamentis: Turrim pulsandis Nolis idoneam in Templo suo primario ædificauit; Sentini, quod oppidum Saxoferratum dicunt, excitauit aram, quam Iconem vocant S. Petri, vti eius insignia indicant: exhibuitque se Pastorem optimi exempli tum vitæ innocentia, tum studio salutis animarum, cuius causa suam Diocesim opportunis legibus composuit. Credidit nimirum, Episcopatum non esse quietis locum, vti complures sibi persuadent, sed onus summi laboris.

E

Qua-

Quare quietis cupidus impetrauit à Pontifice, vt sibi liceret Sedem illam transferre ad Hieronymum Mannellum à Rocca Contrada Nepotem; Romamque regressus inter amicos & literas vitam semper laudatissimam ad annum vsq; millesimum quingentesimum quadragesimum nonum prouexit.

Eius cadauer in Templo S. Andreae, quod vocant ad Fractas, primò positum, deinde in patriam deportatum est, vbi iacet in Templo S. Septimiae, in Sacello S. Romualdi, ab ipso excitato, eximijque picturis ornato, in quo nunc Eucharistia colitur, prope Sacellum Saluonae familiae claris hominibus dudum illustris; & ego ipse Vrbinum ab Urbano VIII. missus, eidem Vrbi aduersus federatos Principes defendendę imposui Vincentium Saluonum optimum multæque experientiae militem.

In sinistro eiusdem Sacelli latere hoc Epitaphium legitur :

ANGELO COLOTIO HVIVS ECCLESIAE  
CANONICO, SECRETARIO APOSTO-  
LICO, NV CERINO, ET SENTINATI  
EPISCOPO, IACOBVS, ET HYPPOLI-  
TVS PRONEPOTES POS. AN. D. M. D. L.



In altero autem eius latere Iacobi Colotij Rotæ Romanæ XII--Viri monumentum locatum est . Voluit quidem Angelus ibi humari, vt tenebras mortis subiret, vbi natus lucem acceperat; maluitque cum eodem Iacobo in primario Vrbis Templo, quàm in Ecclesia S. Lucae in antiquo Colotiorum Sacello simul, ac sepulchro tumulari, quòd vnà cum Iacobo eiusdem maioris Templi Canonicus fuisset .

Iusta illi solemnia, & nobilia à Marco Antonio filio persoluta sunt, quibus conficiendis & ipse Angelus trecentos aureos legauerat . Interfuit cum lacrymis vniuersa Vrbs; nec id officij indubitum fuit cini, qui & laicus, & Sacerdos speculum viris fuerat ad literas suapte indole propendentibus, qui summa probitate, & heroica virtute præditus, prorsus natus, factusque ad Rempublicam iuuandam, & ingeniorum cultu exornandam videbatur, & qui paucos inter Mæcenates, quos Antiquitas laudauit, adnumerari promeruit .

Præbuit se quidem liberalissimum, erga doctos, & amicos; non omisit ta-

## 68. VITA ANGELI COLOTII

men rei-familiaris curam, adeo vel vt minimi sumptus rationem haberet, non quidem auaritiæ causa, sed vt facultates eius inservirent hominibus sibi acceptis, hoc est bene de republica merentibus. Erga Patriam autem eam caritatem exhibuit, quæ summam laudem meretur. Cum anno circiter millesimo quingentesimo decimo septimo, illa fuisset direpta, recepit à militibus, multa pecunia impertita, plurimas tabulas & monumenta publica. At quanta religione Deum coluerit, ostendit cultus erga res sacras, & pignora Sanctorum, ingens auri vis erogata, vt sacrificia celebrarentur, sacella ab ipso empta & cōdita in patria, in templo Episcopali, & in templis S. Floriani, & S. Lucæ, quibus ministeria Ecclesiæ consueta adiecit.

Vita citra reprehensionem fuit, quod sane plurimi æstimandum est Romæ, in qua omnia patent, omnia prædicantur, nec raro etiam adiecta prava interpretatione. Anno millesimo quingentesimo quadragesimo quarto cum gravissimo morbo laboraret, testamentum confecit, in quo, cum demonstrasset se

(dem-

(dempto Nucerino Episcopatu) parum,  
vel nihil bonorum Ecclesiasticorum  
possidere, iisque redditibus, quos ex  
patrimonio, propriaque re percipie-  
bat, multos consanguineos, & amicos  
sustentasse, ac præterea eam pecunia-  
rum vim in recuperandis numis aureis  
argenteisque insumpsisse, ut necesse ha-  
buerit ex alieno obrui; asserebat deniq;  
cum sibi haud vetitum esset Canonicis  
legibus testari, totius rei suæ heredem  
instituere Marcum Antonium filium;  
& hoc absque prole legitima morientes  
substituere Iacobum, & Hyppolitum  
Colotios; & his etiam absque mascula  
sobole cadentibus, Hieronymi Ripandi  
filios. Executores Testamenti nominati  
Augustinus Card. Triuultius, Marcellus  
Cervinus Card. Sanctæ Crucis, Mar-  
cus Antonius Massa à Gallezio Iuris-  
consultus celeberrimus. Dubitari posset  
num Colotius prolem habuerit ob epi-  
gramma, quod Marcus Antonius Casa-  
nova scripsit de senectute filijs destitu-  
ta Angeli, & Thomæ Petræ Sanctæ.

*Dum forte est sine prole senex & vter-  
que & utrumque*

*Accendit mirus posteritatis Amor ;  
Ipsaque adoptari seniozem dum vetat  
illum*

*Lex, & adoptari cum vetat ipsa pa-  
rem;*

*Ille patrem semper vocat hunc, vocat hic  
quoque & illum ;*

*Ast ego utrumque patrem, filium utrum-  
que puto .*

Casanova obiit paulò post Romæ di-  
rectionem, adeoque forte ignorare po-  
tuit Angeli filium fuisse Marcum  
Antonium, qui tali se parente dignum  
præstitit, quemadmodum testatur Fran-  
ciscus Bellius Pauli Tertij familiaris,  
& Bembo coniunctissimus, ei dedicans  
hymnum Palladis, sic ab eo nomina-  
tum .

*Castæ ad templa Deæ, Coloti, educate so-  
rorum*

*In gremio Aonidum, & studijs imbutæ  
Minervæ.*

Is vxorem duxit Margaritam Annam,  
filiam Hieronymi Ripanti, Nepotis An-  
geli Ripanti Episcopi Aesini, anno mil-  
lesimo quingentesimo septimo vita  
functi.

Præterea Colotius alios filios reliquit, ingenij videlicet partus, Libros, inquam, sed imperfectos, vel quòd meliores subrepti fuerint, vel quòd parens eos non parturierit nouem annorum spatio, vti partus Musarum exigunt.

Legebantur olim in Vaticana Bibliotheca plura eius epigrammata, & quædam Italica rythmica. Constat etiam quantum laboris impenderit Italicæ linguæ illustrandæ, datis præceptis, & confecto vocabulario: Nimirum aduerterat in obscuro ipsos etiam fuisse, qui in pretio fuerant, Seraphinum, nempe, Mannuccium, & Calmettam, & nisi hanc gloriam Bembus occupasset, à Colotio huiusmodi beneficium expectandum erat. Collegerat ex Scripto-ribus Hetruscis antiquioribus plures obseruationes in verbis et phrasibus, & præcipuè vsus erat scriptis Francisci Barberini, & Roberti Regis Hierosoly-mitani, quæ fortasse Neapoli obtinuerat, vbi & Robertus regnavit, qui & eò de-  
portari iussit opera eiusdem Barberini  
quinis auri vncijs coempta: quod litte-  
ræ eiusdem Regis ex Archiuo Regiæ

Curia Neapolitanae à Camillo Tutino  
descriptae restantur.

Robertus Hierusalem & Sicilia Rex,  
Ducatus Apuliae, & Principatus Ca-  
puae, Provinciae, & Folqualqueri, ac Pede-  
montis Comes. Secreto Principatus & Ter-  
rae Laboris Fidelis suo gratiam, & bonam  
voluntatem. Cum nos dedimus in man-  
datis Religioso Viro Fratri Ioanni de Nea-  
poli Ordinis Minorum, ut opera omnia  
spectabilis Viri Magistri Francisci de Bar-  
berino, videlicet supra sacros Canones opus-  
cula, & reliqua vulgari idiomate ab eodem  
edita emeret, Fidelitati tuae precipiendo mā-  
damus, quatenus statim post receptionem  
Præsentium sine aliqua mora, uncias auri  
quinq; de pecunia Curiae nostrae, quae est, vel  
erit per manus tuas, dicto Fratri exhibere  
studeas, absque ulcuius difficultate, & dila-  
tionis obstaculo, recepturus ab eodem ido-  
neam apodixam ad tuam cautelam. Datum  
Neapoli. Anno Domini 1338. 6. Indict.

Proinde haud mirum est si Pierius  
Valerianus per dialogum inducat Colo-  
tium, adeò huius linguae peritum, nar-  
rantem, quae in coena apud Iulium Me-  
dicum habita, de hac lingua dicta  
fue-

fuerant; Propendebat autem Colotius, ceu pater ex ea narratione, in sententiam Io: Georgij Trissini, immo, ut liquet ex Varchi Herculano, Colotius, adiectis quibusdam rationibus, firmavit opinionem Trissini hanc linguam Italicam nominantis, quod & ipse Trissinus ingenuè in suo Castellano fatetur. Petrus etiam Summontius Colotium laudat de eiusdem linguæ peritia, dicens ei libellum Pontani de Magnanimitate. Sic enim scribit.

*Ad notas te aliquando Musas refer, non ad Hetruscas illas tuas, in quibus summam tibi iam gloriam comparasti; sed ad Latinas has itidem tuas, quas non minus à puero, quam siue Hetruscas, siue Græcæ coluisti.*

Vt magis vim formularum, vocumque Hetruscarum perciperet, scripta Provincialium euoluit, earumque vocum volumen ab ipso Mantuæ Marchione Francisco obtinuit, cui & restituit anno millesimo quingentesimo vigesimo sexto, per oratorem eiusdem Principi Romæ agentem

*Scripsit Italicè opusculum dictum*

*P' Ani-*



*l' Anima d'Oliuiero , & aliud inſcriptum  
la Noſte d'Amore . Cantiunculam , ſeu  
Odam eius etiam legi admodum con-  
cinnam, atque hoc Italicum carmen in  
Cardinalis Bembi morte .*

*Bembo hor ch'è giunto à più beata riu  
Lo tuo d'eſto empio mar felice legno ,  
E nel Ciel tocchi il deſtinato ſegno ,  
Oue da pochi à gran pena s'arrina .  
Sol duolſi Etruria, che ſia ignuda, e prima  
D'un sì nobil teſor, sì ricco pegno .  
Cō temer che nō mai truoue altro ingegno,  
Che ſi dolce d'Amor più canti , ò ſcrina .  
Canoro Cigno, che del Tebro all'onde  
Laſci cantando le già bianche ſpoglie ,  
Ch'ancor del ſuō n'hã gioia ambe le ſpõde,  
Già tua man ſacra il ferto, e'l premio coglie  
D'allori eterni , e non di quelle fronde ,  
Che ne dà primauera, e't Verno toglie.*

*Latinè præter epigrammata, occasione  
Pedis & Sextarij, quos apud ſe habebat  
Angelus , ſcripſit opuſculum de Pon-  
deribus , & Menſuris à Luca Pæto , &  
alijs laudatum .*

*Exarauit Epiſtolam de Numero Ternario,  
pluraque etiam collegit fortaffe a  
Laſcaro accepta, de Rebus Turciſis. Lati-  
nè*



ne quoque scripsit plures Narrationes, facetas æmulatus Florentinum Poggium, quò posteri etiam libarent eam iucunditatem sermonis adeo à Pontano laudatam, quam præsentibus impertiebatur.

Itaque huius Viri indoles versatilis erât, facilisque in omnem partem, seu studia tractanda, seu colloquia, negotiaque agenda, seu necessitates subleuandas vt merito Franciscus Pamphilus in Piceni laudibus, vbi Aesinæ Urbis mentionem facit, hæc cecinerit;

*Angelus hac digna fuit Vrbe Colotius  
ortus;*

*Angelus Aonidum maximus ille philos.  
Vertitur in varias formas, totidemque  
figuras.*

*Carpathys Proteus, quot Deus egit a-  
quis,*

*Polyplus aquoreis non tot sibi sumit in-  
undis,*

*Quot facies apto tempore cantus agit.  
Vinceret Anthæum ludo, nitidaque pa-  
lestra*

*Aurea quisque humeris iam tulit astra  
suis.*

*Mel-*

76 VITA ANGELI COLOTII

Mellifluos lances sumpsit de gurgise  
fontis,

Quem modo Gorgoneus calce peregit  
equus.

Hunc amat alma suum capiam dulcedi-  
ne Clio,

Hunc fouet Euterpe, Melpomeneque  
virum.

Tradidit immensam seriem Polymnia re-  
rum,

Efficit huic virides diua Talia comas;  
Sensibus ast Erato diuinum infundit a-  
morem.

Ter spicore mulcet pectora lata choris.

Vrania astrigerum totum patefecit O-  
limpum,

Mellifluos tribuit Calliopea sonum.

Vnicus hoc nostros miseratus tempore  
Vates

Macenas gratam prestitit alter opem.

Hunc potes arbitrio Polystora dicere no-  
stro,

Hunc etiam merito iure vocare Sophu.

Quidquid extat à Colotio scriptum,

Eminentissimus Barberinus iussit tribus  
voluminibus describi, misitque ad Ni-  
colaum Claudium Perescium, virum do-  
ctissi-

Clarissimum, & tum literatura, tum amore  
 literatorum Colotio simillimum, quem  
 Orbis literatus primum suspexit, demū  
 ploravit, tanquam amisso sæculi huius  
 Mecænate. Ad quam laudem præter te, o  
 Clarissime Cassiane à Puteo, nemo po-  
 stea aspiravit.



**P**Arua hæc Latinæ, ac Italicæ Colotij nostri Poeseos mantissa, præter Epigrammata, quæ in eius vitæ ferie interserta sunt, ideo, candide Lector, absuta est, ut quantum in utraque polluerit, tibi specimen elucescat. Optares, scio, plura, immo plurima; sed plura dare non possumus. Quæ semel temporis ingluuies, ac voracitas absorbet, lesso quidem prosequi, datum omnibus. verùm ipsa in lucem reuocare permissum nemini,

De Marmoribus inuentis in  
Foro Romano,

Ad Card. Farnesium.

**H**ac de tam multis veterum fragmenta ruinis,  
Mille annos putri quæ iacuerunt solo.  
Aere tuo, ac studio, Farnesi, in luminis oras  
Eruta de sacra sunt monumenta via.  
Qui facis, ut repetant Capitolia ad alta  
triumphi

Dum

*Dum minuit curas, cura Nepotis Ano.  
Hinc memori saxo grates posuere Quirites,  
Quod Roma est meritis iam redituina  
tuis.*

*De Puella Catulum lauante.*

**P***ontia pectebat, nitidisque lauabat in  
undis  
Candidulum Catulum, candidiore manu.  
Vidit, & è Cælo latrauit Syrius alto  
Inuidus, in molles dum cupit ire sinus.*

*De Puero ab Apibus necato.*

**Q***uæ sub Sole nouo liquefacta remise-  
rat arbos  
Præbat nato dulcia mella parens.  
Quamox defuncta reptabat ad ubera  
nigra  
Illicis Hybleas inter alumnus Apes.  
Obstitit huic adeo rostris armata iuuentus,  
Vt misero intulerint spicula cæca necem.  
Impia Apes non Musarum vos esse volu-  
cres.  
Nec tenerum credam vos aluisse Iouem.*

*De*

## De Epaminonda.

**H**oc tumulo tegitur soboles praedara  
 Polimni,  
 Qui dux, an melior vir foret ambigitur.  
 Ille ubi se Oebalidum venientibus obtulit  
 armis  
 Sensit, & immotum tela cruenta femur.  
 Atque hastam euellens ostentabat, & inquit  
 Non mea me tagunt vulnera, sed Patria.

## In Elegias Calentij.

**S**umpserat Elisius calamum scripturus  
 amoris  
 Scutiam: tenuem risit amor calamum,  
 Pectus & arrepta transfixit harundine di-  
 cens  
 Iudice te: dic quis fortior est calamus.

## Eiusdem ad A. Thebaldeum.

**S**i quando, Antoni, cunabula prima Ca-  
 lenti  
 Cernis, & ingenij signa futura sui.  
 Perlege qua à puero ranarum praelia ludit,  
 Primaque ridiculis muribus arma dedit.  
 Quo-

*Quoq; magis moueant risum vulgaria finxit  
Nomina, & humanos verba imitata mo-  
dos.*

*Ride ergo, Antoni, paruarum bella fera-  
rum*

*Tuque prior Vatis experiare iocos.*

*Sic his non noceant celebranti in carmine  
mures*

*Rana, nec Elisy's rauca coaxet aquis.*

*De Hedera Quercum annosam  
complectente.*

**S***Vbnascentem hederam trabeati in col-  
le Quirini*

*Nutrierat densis Quercus opaca comis.*

*Nunc quia victa auro viduata est frondi-  
bus arbor*

*Pro merito altricem vestit alumna sua.*

*Tempore Clementis Septimi. Ponti-  
ficis Maximi cum Ianus Arycius  
Lucemburg. Romæ in Aede Di-  
ui Augustini tres Statuas Christi  
Dei, Mariæ, & Annæ erexisset,*

**F** omnes

omnes illius æui vrbanī Poetæ  
 Statuarum nitorem carminibus  
 celebrandi occasionem cæperunt,  
 inter quos Angelus Colotius  
 hoc Epigrammate .

**M**iramur gelida religatum rupe Pro-  
 metheum .

*Præbere æterno pectora Vulturio .*

*Ille hominem finxit : sed quæ tormenta me-  
 retur*

*Qui Diuorum animas intulit huic lapidi.*

ANGELO COLOCCI  
 à M. Gandolfo Porrino .

**V**Oi, che passando per l'antica sede (se  
 De la Dea Circe appresso à l'onde sal-  
 Del mar Tirren' : se mai di voi vi calse ;  
 Quinci per altra via torcete il piede .

Donde , quando si vien, più non si riede :  
 V' porger preghi, e pentir mai non valse :  
 Et de le già cangiate imagin false  
 Le vecchie, e noue historie ne fan fede .

*Questi*



*Questi leggiadri luoghi un tempo tenne  
 Lei, che'l Rè nostro in vago angel conuersè,  
 Mutando il real manto in auree penne.*

*Hoggi e Gandolfo ancor sua forma perse,  
 Tosto che, quando al bel paese venne,  
 Ne la figlia del Sol sue luci aperse.*

C A N Z O N E  
 DI ANGELO  
 COLOCCI.

Della quale si fa mentione sopra  
 alla pagina 74.

**R**AGGE riposte apriche  
 Tremanti, e verdi fronde,  
 Frà quai mi trouo in solitaria vita,  
 Valli, e riuere amiche  
 Presso al suon di quest'onde,  
 Ch' a trar mille sospir dal cor m'aita.  
 Pia rimembranza à riueder m'inuita  
 La donna che s'en gia  
 Secura in que' be' poggi

*Cantando. Vdirete hoggi  
Quanta gioia il cor n'ebbe : oue non sia  
Trà boschi ombrosi , e folti  
Altro che voi , che con pietà m'ascolti .*

*Bel prato era all'or quando  
Mia donna humile , e piana  
Col bel teneropiè calcò quest'herba ,  
Bel fonte , oue in specchiando  
Sol dell'imagin vana  
Cominciò l'onda à diuentar superba ;  
Ma più bel quando per mia pena acerba  
Dormendo in verdi cespi  
Scherzar Zeffir vedea  
Ventilando , e mouea  
Fe'l bianco collo i crin dorati, e crespi,  
Com'or , ch'auorio tocchi ,  
Mentr' Amor si posaua in quei begli occhi.*

*Ben dorme il vino fuoco  
Sotto l'arida polue ,  
Nè manca in lui d'alta virtute ardente;  
E questo à tempo , e luoco  
Sue membra in sonno solue  
Trà sasso, e sasso il giouincel serpente ,  
Ma quel velen, c'hà sotto il fier suo dente  
Spira pur doglie, e morti;*

*Sì*


*Sì la già chiusa luce  
 Del mio bel Sol riduce  
 Sereno stral d'Amor cocenti, e forii  
 Tolto da gli occhi il velo  
 Ride col riso suo la Terra, e'l Cielo.*

*Poi mentre scinta, e scalza  
 ( Com'Api in varij fiori  
 Predano i ricchi honor di Primavera,)   
 Scendean dall'aspra balza  
 I pargoletti Amori,  
 V'la bella compagna spogliar'era,  
 Qual di candida benda, e qual di nera  
 S'adorna, e veste in donna,  
 Ch'il purpureo coturno  
 Si cinge, & altri furno  
 Che in un tronco posar l'aurata gonna  
 Nudo di rami, e foglie,  
 Quasi un trofeo di sì pudiche spoglie.*

*Poi quando in lieto coro  
 Fean sì dolci concetti,  
 Che non parean più dell'humanè cose;  
 E all'armonia di loro  
 Stean gli augelletti intenti,  
 E'l vago pesce per le sponde herbose:  
 Sol dal sinistro suo lato rispose*


*Quasi garreggiand'Eco .  
 Con la voce non tronca ,  
 E la caua spelonca  
 Vaga del suon il primo habito seco  
 Ritien sì auaramente ,  
 Che ricantando ancor dolcezza sente.*

*Ahi lasso , hor mi rimembra  
 Del primo dì , che in gioia (persi,  
 Gli occhi al viso, e l'orecchie al canto a-  
 E piacer tanti assembrava ,  
 Che fia ( ben ch'io ne moia )  
 Dolce quant'in amar giàmai sofferirsi :  
 E perche sempre il cor letitia versi  
 Non fia ch'altro l'ingombre ,  
 Che doppo il duro passo ,  
 Se'l corpo in terra lasso, (bra,  
 Vò che l'ombra mia errado per quest'om  
 E per l'amena riu  
 Spirito nudo ancor quì canti, e scrina.  
 Ben fù, canzon, quel dolce tempo amico,  
 Che la selua nouella  
 Della non sua beltà si fè più bella .*



INSCRIPTIONES ALIQVOT ,  
 quæ extabant in Aedibus , &  
 Hortis Colotianis

*Descriptæ ex Schedis Bibliothecæ  
 Barberinæ .*



IOVI . MINERVAE ET  
 APOLLINI . INVIGT  
 SACR

L.IVNIVS . L.L. PYLAEN  
 ET IVNIA PAVLLINA  
 CVM FILIS V. S

DEDIC. KAL. FEB  
 IVNIO GLABRIONE ET HOMOLLO  
 COS

Figura hominis nudi decumbentis in lecto.

ΤΕΜΙΝΑΝ ΕΚΑΛΕΣΑΝ  
ΕΣΧΕΛΕΚΑΙΑΛΑΟΝΟΜΑ ΧΑΡΙΣΤΑΤΟΝ ΟΝ ΠΟΘ  
ΕΤΑΙΡΟΙ ΠΕΤΡΟΚΟΡΑΚΑ ΝΕΚΗΖΟΝΟΝ ΤΑΧΥΤΕΡ  
ΟΤΟΝ ΟΣΤΙΣΤΟΙΑΝ ΕΤΗΣΑΤΟ ΓΝΟΜΗΝ ΗΣΚΑΙ ΤΗΝ  
ΑΠΛΟΤΗΤΑ ΦΙΛΟΥΣ ΥΠΕΡΑΤΟΝ ΕΤΙΜΑ ΔΙΑΤΟΥΤΟ  
ΜΗΜΗΣ ΕΝΕΚΕΝ ΧΑΡΙΤΟΣ ΔΕ ΑΠΑΣΗΣ ΟΙΣ ΟΙ ΑΔΕΛΑΦΟΙ  
ΕΘΗΚΑΝ ΓΝΩΣΤΟΝ ΠΟΛΛΟΙΣΙ ΒΡΟΤΟΙΣΙ ΙΝΑ  
ΣΕ ΠΑΣ ΠΑΡΑΤΟΝ ΟΝΟΜΑΖΗ ΑΓΘΕ ΠΕΤΡΟΚΟΡΑ  
ΕΖΗ ΕΤΗ XXXX

M.D.M.IDAÆ.ET.ATTIDI.MENOTVRANO.S

NOBILIS.IN.CA.VSIS.FAMA.CELSVSQ.SABINVS

HIC.PATER.IN.VICTI.MYSTICA.VICTOR.HABET

SERMO.DVOS . . . . . RESERVANS

CONSIMILES,AVFERT . . . . .

ET.VENERANDA.MOVET.CIBELES.TRIODEIA.SIGNA

AVGENTVR.MERITIS.SIMBOLA.TAVROBOLI

RVE.CÆON.CÆ.SABINI.F.V.C.P.M. HIEROF.D.HECAT. AVG

PVL.P.R.Q.PATER.SACROR.METHRÆ.TAVROBOLIATVS

M.D.M.ID.ET.ATTIDIS

MINOTVRANI.ET.ARAM.IHLID. MART

GRATIANO.V.ET.MEROBAVDE.CONSVLIVS,DEDICABIT

ANTIQA.GENEROSE.DOMO.CVI.REGIA.VESTÆ

PONTIFICI.FELIX.SACRATO.MILITAT.IGNE

IDEM.AVGVR.TRIPLICIS.CVLTOR.VENERANDE.DIANÆ

PERSIDICQVE.MITHRÆ.ANTISTES.BABILONIE.TEMPLI

TAVROBOLIQVE.SIMVL.MAGNI.DVX.MISTICE.SACRI.

*Hæc inscriptio extat apud Gruterum pag. 28. sed mutila, & corrupta.*

ΑΠΡΙΛΙΩΝ  
 ΦΑΡΜΟΥΘΙΑ  
 ΥΠΗ. ΤΩΝ  
 ΚΥΡΙΩΝΗΜΩΝ  
 ΔΙΟΚΛΗΤΙΑΝΟΥ  
 ΣΕΒ. ΤΟ. Ζ'. ΚΑΙ  
 ΜΑΞΙΜΙΑΝΟΥ  
 ΣΕΒ. ΤΟ ...  
 ΤΟΡΟΣ. ΕΔΟΘΗ  
 ΥΠΟ ΒΑΛΕΡΙΟΥ  
 ΚΩΜΑΖΟΝΤΟΣ  
 ΤΡΑΤΙΚΟΥ  
 ΙΕΡΩ Ν. ΝΑΩ Ν.



Θ. Κ.

ΙΘΑΡΟΣΝΕΙΚΗΤ  
ΗΣΤΗ ΒΙΩΕΠΟΙΗ

ΣΕΝΑΓΝΕΙ  
ΑΣΧΑΡΙΝ

Θ. Κ.

ΑΥΡ. ΑΛΙΠΟΣ. ΚΑΙ ΦΑΒΡ. ΤΤΧΗ  
ΑΥΡ. ΑΛΕΞΑΝΔΡΩ. ΤΙΩΓΑΥΚΥ  
ΤΑΤΩ. ΟΣΕΖΗΣΕ ΕΤ .....

ΔΥΟ ΗΛ Η

Ω Ρ ...

DIS.

DIS. MAN. SACR  
 M. ANTONIO. M. F. PIETATI  
 VIX. ANN. XXXVIII  
 A LÆLIUS. A. N. PRIMITI  
 VS. ET. ANTONIA. M. F. PIE  
 TAS. FECERVNT

Q. CÆCILIVS. Q. F. C. N  
 AVENTINVS. FLAMEN  
 DIALIS DII  
 PATRI AVSPIC  
 ARAM. ET. AREAM. PVBL  
 RESTIT. COERAVIT

P. VALERIO  
 DÆDALO  
 PIO. VIXIT  
 ANNIS. XXX  
 FECIT. FAVSTINA  
 ET. FILIS. VRBIC  
 V. A. XII. M. VI  
 FAVSTVS. VIX. A. V  
 DIEB. I

Q. COR-

Q. CORNELIVS. Q. F. L. N  
 LEVINVS. FLAMEN  
 DIALIS  
 EX. S. C. TERMIN  
 RESTITVENDVM. COERAVIT

In Tabula Aenea

SILVANO. ET. MERCVRIO  
 SACRVM  
 TI. CLAVDIVS. EPICTETVS  
 ET. CLAVDIA. HEROIS  
 EX. VOTO. L. M  
 AR. ET. PAVIMENT. S. P. RESTT

SEX. MATRINIVS. SEX. P  
 CORNICVLARIVS  
 LEGION. X. AVG  
 ANN. V̄III. VIX. ANN  
 XXXVII. M. IIX  
 D. IX  
 H. S. E

VENE-

VENERI . CÆLEST  
 L. ANIONIVS . L. LIBER  
 LAMPHILVS  
 P. IVVENTIVS . P. LIBER  
 TVS . GYLIPPVS  
 T. FLAVIVS . T. LIBERTVS  
 ARISTOPHON . III. VIR  
 QVINQVENN. D. D  
 L. D. D. D

D. M  
 AMMIANI . M. AVRE  
 APPOLLONIVS . ET . P. CAS  
 SIVS . SOZON . M. C. F

DIS . MANIBVS  
 AMMIANÆ INVE  
 NTÆ . VIX AN. XVI  
 HOR. VIII.  
 AMMIANVS . PATR  
 POS

L.SEP-

L. SEPTIMI. GETAE	IMP. CAESARI. L
SECVLARIA	SEPTIMI. SE
SECVLI. FELICITAS	VERI. PERTIN
P. PETRONIVS, FAVSTVS	ACIS AVGVST
AVGV. R	LAETITIAE
	TEMPORVM
	P. PETRONIVS
	FAVSTVS
	AVGV. R. D. D

IOVI. CONSERVA  
TORI. PATR PATR  
SER. SVLPICIVS. SER. LIB  
STEPHANVS II. VIR. STAT. AEN  
PRO. SALVTE. IMP  
CAESARIS AVG. COLLEG  
SILIGINIARIORVM  
DEDIC

D. M  
AVRELIVS. MUCIANVS. MISSICI  
VS. COHOR. VI. PRAET. QVI VIXIT. ANNIS  
XXXVIII. MES. VII. DIES VIII, <sup>fic</sup> HORA. VIII  
FECIT. AELIA. LVCIA. COIVGI. VIRGINIO  
SVO. BENEMERENT. FECIT

Sub Statua Mulieris .

VIBIAE. AVRELIAE SABINAE. D. MARCI. AVG. F  
HELIODORVS. LIB. ET. PROC. PV

D. M

D. M

L.SEMPRONI.FESTI  
 TABVL. RAT. PORTVEN  
 OPER. P. VIX. AN. XXXI  
 SEMPRONIA. MA....  
 OPTIMO. FEC

IOVI. FORINARVM  
 A. LARCIVS. A. LIBERT  
 PRAEF. FABR. ITER  
 QVINQVENN. S. P. D. D

ÆSCVLAPIO.ET.HYGIÆ  
 H.TEMPL.CVM.FONTIBVS.SV  
 SACRVM  
 M.VESIDIENVS.HEDYLALVS.PR  
 COH.PRIM.VOLVNI.CIV... ROMAN  
 FT VESIDIA. CARITVSA. VOT  
 L.D.D.D.S.IMPEN

IOVI.OPTIMO.MAXIMO  
 DOLICHENO.VBI.FERRVM.NASCITVR  
 C.SEMPRONIUS.RECTVS  
 CENT. ..FRVMENTARIVS.D.D

IMP.

IMP. CÆSARI. DIVI. NERVÆ. FIL. NERVÆ  
TRAIANO. AVGVSTO. GERMANICO. DACICO  
PARTHICO. PONTIFICI. MAXIMO. TRIBVNIC  
POTEST. VII. IMPERATORI. IIII. COS. V. P. P. OP  
TIMO. PRINCIPI

D. IVLIVS. D. L. MAMÆVS. PRINCEPS. SCRIBÆ

LIBRARIVS. II. VIR. QVINQVENNALIS

M. IVLIVS. M. L. PHILEROS. M. IVLIVS. M. L.

PROSPER. M. IVLIVS. M. L. DEXTER. SAGAR

M. VLPIVS. M. L. PAMPHILVS. OLEARIVS

M. VLPIVS. M. L. PHILEROS. CERD. M. ANTO

NINVS. M. L. FAVORINVS. D. D.

98  
I. SEMPRONIUS. I. L. PERIPHHEMVS

L. SEMPRONIUS. I. L. AMPHIONEVS

C. SEMPRONIUS. C. L. AGNOSIAS

C. SEMPRONIUS. C. L. PANOPVS

C. SEMPRONIUS. C. L. AMPHALVS

SEX. SEMPRONIUS. SEX. L. PENTHEVS

TI. SEMPRONIUS. TI. L. CHRYSINVS

DISTIGVM. FECERVNT. C. P.

APOL.



IMP. CAES. DIVI. F. AVGVSTVS  
PONTIFEX MAXIMVS

IMP. XIII. COS. XI. TR. POT. XVI.

EX. STIPE. QVAM. POPVLVS. ROMANVS

KALENDIS IANVARIIS. ET

M. MARCIO. CENSORINO. C. ASINIO. GALLO. COS

XX. MVM. .... IV. OMN. LIO

DIS. MAN. SAC

A. RVPIIVS. A. F. ESQ. AVCTVS

RVPIA. HILERA

FECERVNT. S. ET. POST.

II. KAL. FEBR. C. HOSTILIO. MANCINO

ET. C. ATILIO. SERANO. COS.

M. LICINIO. M. F. CRASSO

GENIO. CONSER

VATORI. DOM

BALBINORVM

SACRVM

D. CAELIVS. SEX. P

ESQVILINA

CALVINIANVS

H. HYPOGEVM. COM. FECER

C. CAMERIVS. C. EVETENVS

C. CAMERIVS. C. F. PAL. PLAVTVS

C. CAMERIVS. C. F. PAL. ATTVS

C. CAMERIVS. C. N. MARINVS

CAMERIA. PACATA

OLL. SINGVL.... NVN. XX

LOCARVNT

FECEANT. PET. POST.

ONICNAM. ONITON. C. 1829. 1831

D. M. S

200. ONICNAM. ONITON. C. 1829. 1831

M. LICINIO. M. F. CRASSO

FRVGLICINIAE. CRASSAE

M. LICINIVS. M. F. ESQ. IVNIOR

ARAM. D. K. H. K. MART

L. AEMILIO. M. AMERCO. ET

C. CAESIO. FABIO. VIBVLANO. COS

IVNON. REGIN

SACRVM

PRO. SALVTE

Ď. N. DIOCLETIAN. IN

CLYT. PRINCIP. SEMP. AVG

PINIUS. PAVLLVS. SILVANVS

VIR. CLAR. PRAEF. VRB

IVDEX. SACRARVM. COGNITIO

NVM. VOLVNT. EIVS. CVR

SEX. AVTRONIVS. SEX. FIL

PALATINA. NIGER

LITICEN. LEGION

III. PARTH

FECIT. OLL. XXX

102

C. SALLVSTIO: PISANDRO  
PATRONO. OPTIMO. ET  
SALLVSTIAE. TYCHE. VXORI. CARISSIM  
FECIT  
C. SALLVSTIVS. PISTVS. SIBI. ET  
SALLVSTIAE. EVGENIAE. FIL. ET  
LIBERTIS. LIBERTABVSQVE POSTERISQVE. EORVM

L. ANTRONIUS. L. F. POM  
 VAGONIUS , PROSPER  
 SCRIBA. COLLEG. ARVAL  
 PROCURATOR. LV  
 DI. MATVT. III. VIR. MON  
 FIDEL. CONCOR. P

# COLLEGIO. PABVLARIORVM

C. CORNELIUS. C. L. IVCVNDINVS. II. VIR  
 ET. L. ANTONIUS. L. L. IVBENTIVS. II. VIR  
 QVINQVENNALITAT. S. P. DEDICARVNT

## DIS. MAN

L. ANTONIO. L. F. QVIR. OLYMPIONICO

CROTON

MILIT. LATERANO. LEG. III. PARTH

MIL. ANN. XX. VIXIT

ANN. CHH. D. XV

L. ANTONIUS. L. F. QVIR. MARTIANVS

Θ. Κ

ΜΕΤΤΙΩ. ΑΠΕΛ

ΝΙΚΗΦΟΡΩ

ΚΛΑΥΔΙΑΝΟΣ

ΜΑΞΙΜΟΣ

Q. ASPRINIO. Q. F. ASELLIO  
NAT. TISIA

COM. LEG. FL. VALERIE. P. F

MIL. ANN. XVIII

VIX. ANN. LIX

Q. ASPRINIVS. PARVINVS

T. F. I

QVART. ANNIVS. QVAR. F. POBL  
SATVRNINVS

VERONA

MIL. LEG. V. AVG. PRÆ. VIGIL  
PROCVRATOR. VIGESIM. HERED

ET. QVARTINIA. BABAERIA

VXOR. FECERVNT. H. T. I. F

H. M. D. M. ABES

IN. FR. PED. XVIII. IN. AG. PE. XXV. S

GENIO.COLONIÆ  
 L.TETTIVS. L.F.FVFIVS  
 EQ.SINGVL.ET.L.TET  
 TIVS.GRATIANVS. VETE  
 RANV.EQ.EX.VOTO  
 SVSCEPTO  
 L. D. D. D.

DIS.MAN.SAC  
 M.BÆBIO.M.F.FAB  
 PACCIENO.PRIMOP.  
 LEG.III.AVG

VIX.ANN.LXVI. MEN.VII. H.IX  
 M.BÆBIVS.M.F.FAB  
 FR.OPTVMO.FIDELISS. T. C  
 IN.FRON.P.XI.IN.AGR.XX

VLP.VALERIVS. PRIMISCRINIVS  
 PRÆF.VRBIS.QVI VIXIT.ANNIS  
 XXXII.MEN.X.REQVIEVIT.IN.P  
 VIII.KAL.SEPT.

Q.HVMENIO.Q.F.Q.H.OVF  
 CALVO.LATINO  
 PRIMOPILO.LEG.MINER  
 MILIT.ANN.XXVI  
 VIX.ANN.XLII  
 HVMENIA.VIVANIA  
 MAT.F.C  
 IN.FR.PED.XIIIS  
 IN.AGR.PED.XIIX

M.ANTONI.M.F  
 VEL.VERISSI  
 MIL.CO.H.III.PR  
 PRIMICERI  
 M.ANTONIUS  
 M.F.VEL.BASSVS  
 PRIMISCRINIUS  
 TRIB.LEGION  
 III.GEMIN.FECIT  
 ET.SIBI  
 IN.FR.P.V.IN.A.P.VIII